



2022

**XVIII VISITA ASTURIANA PA PESCUDAR
L'ESTÁU DE LOS DERECHOS HUMANOS
EN COLOMBIA**

XVIII VISITA ASTURIANA PA PESCUDAR L'ESTÁU DE LOS DERECHOS HUMANOS EN COLOMBIA

XVIII VISITA ASTURIANA PA PESCUDAR L'ESTÁU DE LOS DRECHOS HUMANOS Y LA PAZ EN COLOMBIA

Visita realizada ente'l 3 y el 15 de marzu del 2022

“Los diez y siete informes d’otros tantos años d’observación de los derechos humanos que presenta güei la delegación asturiana delante la XEP son mui valiosos. Ye información útil, recoyida con métodu durante muchos años. Esos informes, qu’agradecemos xunto col apoyu d’Asturies a la paz y a la XEP, sedrán revisaos pol nuesu grupu d’análisis pa los fines pertinentes”. Maxistráu Eduardo Cifuentes, presidente de la Xurisdicción Especial pa la Paz. Actu de contribución a la verdá por parte de la XVIII Delegación Asturiana a la XEP. Bogotá, 14 de marzu del 2022.

“Nel paru nacional del 2021, Colombia foi testigu de manifestaciones multitudinaries en tol país. Les protestes visibilizaron les reivindicaciones históriques de les poblaciones marxinaes del país. La desigualdá, el racismu, la violencia y les consecuencies del conflictu armáu internu fueron causes estructurales claves del españiu social.” Amnistía Internacional.

L’asesinatu de miles de personas de la dirixencia social colombiana ye una aición sistemática que pretende eliminar les organizaciones sociales independientes de los centros de poder y paralizar por mieu a les comunidaes marxinaes. Estes personnes son persigüies por impulsar acciones llexítimes de construcción del texíu social necesario pa satisfacer drechos colectivos y necesidaes básiques de les personnes. Pol calter de dirixentes sociales, pol altu número de víctimes, pola persistencia nel tiempu de les agresiones y pola presencia de los ataques en gran parte de les rexones del país, asina como por otros patrones comunes en miles d’agresiones y pola impunidá que les abelluga, nun son coincidencies, son actos planificao que constitúin crímenes escontra la humanidá a la lluz del artículu 7 del Estatutu de Roma de la Corte Penal Internacional. Son ataques sistemáticos, non solo persistentes, como los calificó l’informe del añu pasáu de la OACNxD. XVIII Delegación Asturiana de DDHH y Paz.

Semeyes: XVIII Delegación Asturiana

Edita: XVII Delegación Asturiana pa Pescudar l'Estáu de los Drechos Humanos en Colombia, col apoyu del Conceyu Llangréu +GUE/NGL + ProtectDefenders.eu + CMPA

Traduz: Xosé Firmu García Cosío

Imprime: Gráfiques Ápel

La XVIII Delegación Asturiana pa Pescudar l'Estáu de los Drechos Humanos en Colombia tevo integrada por:

- 1. ANTÓN GÓMEZ-REINO VARELA.** Diputáu nel Congresu Diputaes/os por A Coruña. Grupu Confederal d'Unidas Podemos / En Comú Podem / En Marea. Vicepresidente Primeru de la Comisión d'Asuntos Esteriores.
- 2. RAFAEL ABELARDO PALACIOS GARCÍA.** Diputáu y voceru del Grupu Políticu Podemos na Xunta Xeneral del Principáu d'Asturies.
- 3. ESTHER MIRANDA ZAPATA.** Asistente nel Congresu de Diputaes/os del diputáu Antón Gómez-Reino.
- 4. EVELIA OLGA MUÑIZ MENÉNDEZ.** Comisiones Obreres, CCOO Asturias.
- 5. LUCÍA NOSTI SIERRA.** Coordinadora d'ONGD d'Asturies.
- 6. LUCÍA GARCÍA JIMÉNEZ.** Asamblea Moza d'Asturies, AMA.
- 7. SOFÍA MURIAS VARELA.** Movimientu Asturianu pola Paz, MASPAZ.
- 8. MARIÁN FERNÁNDEZ MARTÍN.** Rede d'Acoyida de Refuxaos de Leganés (Madrid).
- 9. MAYÚS RAMOS ÁLVAREZ.** Coordinadora d'ONGD d'Asturies.
- 10. SUSANA CLAVIJO NÚÑEZ.** Inxeniería Ensin Fronteres.
- 11. CARLOS MEANA SUÁREZ.** Soldepaz Pachakuti.
- 12. JAVIER ARJONA MUÑOZ.** Soldepaz Pachakuti.
- 13. JAVIER OROZCO PEÑARANDA.** Director del Programa Asturianu d'Atención a Víctimes de la Violencia en Colombia. Coordinador Técnico de la Delegación Asturiana.

TERRITORIOS PERCORRÍOS

Chocó: Baxu Atrato: comunidá Jagual del puelu indíxena embera dóbida del ríu Chintadó.

Antioquia: Urabá, Comunidá de Paz de San José de Apartadó.

Córdoba: Tierralta y Montería.

Sucre: Sincelejo, Ovejas - finca La Europa, comunidaes de San Onofre y Montes de María.

Norte de Santander, rexón del Catatumbo: Tibú y territorios del puelu indíxena barí. En Cúcuta la Universidá Francisco de Paula Santander.

Arauca: les ciudaes d'Arauca y Saravena.

Caquetá: Florencia.

Cauca: la Bota Caucana, Piamonte y Villagarzón, **Putumayo.**



Delegación asturiana na XEP.

I

Presentación	9
---------------------------	---

Estáu de los Alcuerdos de L'Habana y del procesu de paz coles FARC	13
---	----

 La Xusticia Especial pa la Paz, XEP	14
--	----

 Unidá de Busca de Persones daes por Desapaecíes	15
--	----

 Comisión de la Verdá	16
---------------------------------------	----

 Reforma Rural Integral. Restitución de tierres	16
---	----

 Capítulo étnicu y de xéneru	18
--	----

Situación col ELN	19
--------------------------------	----

Los drechos humanos nel 2021	20
---	----

 1. Ataques a la dirixencia social, persistencia del paramilitarismu	30
--	----

 2. Execuciones estraxudiciales y masacres	37
--	----

 3. Población en situación d'esllarigamientu	38
--	----

 4. Persones privaes de la llibertá. Tortura, tratu cruel, inhumanu o degradante	39
--	----

 5. Muyeres, infancia, mocedá, víctimes, población LGBTI	39
--	----

 6. Impunidá	43
------------------------------	----

 7. Pueblos indíxenes	45
---------------------------------------	----

 8. Drechos económicos, sociales, culturales y ambientales	46
--	----

Conclusiones y recomendaciones	46
---	----

Instituciones y organizaciones entrevistaes	49
--	----

N

D

I

Z



La Delegación Asturiana como Observadora Electoral nun colexu del sur de Bogotá. 13 de marzu del 2022.

PRESENTACIÓN

Colombia: esterminiu sistemáticu ya impune de la dirixencia social, incumplimentu del alcuerdu de paz, corrupción, narcotráficu y un ciclu nuevu de violencia

La Delegación Asturiana de Derechos Humanos y Paz lleva 18 años –ensin interrupción– viaxando dende Asturies, nel norte de la península ibérica, a diverses rexones de Colombia, pa establecer l'estáu de los de los derechos humanos en zones de conflictu social y armáu, y nos últimos cinco años, p'acompañar l'arella llexítima de paz y xusticia social d'una población cansao de la inequidá agravada pol modelu económico neoliberal y pola guerra interminable.

Cada vegada hai más certeces qu'indiquen que la continuidá del conflictu armáu sirve al propósitu d'esllarigar a la población indíxena, llabrador y negro de los sos territorios, pa imponer proyectos d'inversión de les multinacionales –incluyíes la del narcotráficu–, les mineres, les hidroeléctriques y l'agroindustria, y ye útil a los que viven de la guerra, usurpen tierres y eliminan derechos económicos, sociales, llaborales y culturales.

Asturies lleva 22 años acoyendo a personas de la dirixencia social amenazaes de muerte o que sobrevivieron a atentaos. Esti añu vamos acoyer en refuxu temporal a cinco personas más y tendremos llegao a 134, convirtiendo al Programa Asturianu d'Atención a Víctimas de la Violencia en Colombia nel decanu de los programes de protección n'Estáu español, pol número de personas acoyíes, por tantos años d'esfuerciu solidariu, y pola visita añal que vieno pescudando de manera sistemática l'estáu de los derechos humanos nes últimes dos décades.

Los diez y siete informes asturianos sobre los derechos humanos en Colombia entregáronse nun actu especial el 14 de marzu del 2022 a la Xurisdicción Especial de Paz, como una aportación de la solidaridá internacional a la busca de la verdá y de la xusticia pa les víctimes de los crímenes escontra la humanidá, y los documentos de 21 años d'exiliu asturianu entregáronse a la Comisión de la Verdá, pa qu'entren a formar parte de la hestoria colombiana.

Tamos arguyoses del camín de solidaridá andáu. La dirixencia social colombiano merezlo.

Conocemos el sacrificiu y el valor que se requieren pa representar a pueblos, trabayadores y comunidaes cuando'l gobiernu nun pue –o nun quier– garantizar esi llabor llexítimu, o cuando s'usa la xusticia pa persigüilos mientres la impunidá protexe a integrantes de la fuerza pública que cooperen colos victimarios pa esterminiar a la dirixencia social y acabar coles organizaciones y los procesos sociales, propósitos que tamién destruyen l'Estáu de Drechu, por qu'el mundiu ta dándose cuenta de que la Fiscalía Xeneral nun investiga a los qu'executen los ataques individuales o colectivos, les amenaces de muerte, los esllarigamientos y les desapaiciones forciaes, o l'asesinatu selectivu de centenares de líderes sociales, crímenes que tienen elementos de sistematicidá.

De tantos años recibiendo xente colombiano n'Asturies y oyendo'l testimoniu de la dirixencia social y de les víctimes nes visites a Colombia, adepredimíos del so valor y de la so tenacidá.

Almiramos la dignidá, la capacidá de perdonar y de seguir organizaes, resolviendo munches veces mediante l'autoxestión comunitaria l'ausencia del Estáu, que namás ta presente cola fuerza pública, tan señalada de tar contaminada como temida poles víctimes nes rexones que visitemos y a les qu'entá nun llega la modernidá, entendida como derechos y llibertaes efectives, muncho menos llegó la paz, o la xusticia social.

¿Qué pasa en Colombia y por qué ye importante ir a constatarlo?

Como integrante de la Misión d'Observación Electoral (MOE) organizada pol Programa Asturianu d'Atención a Víctimes de la Violencia en Colombia (PAV) tuvi la oportunidá de participar en diversos alcuentros con instituciones como la embaxada española en Colombia, organismos internacionales como la Misión de Verificación de les Naciones Xuníes en Colombia, y organismos derivaos de los Alcuerdos de Paz como la Xurisdicción Especial pa la Paz. Tamién pudi reunime con candidatos a les cámaras llexislatives y con representantes d'organizaciones de la sociedá civil colombiana o procesos organizativos como'l Movimientu Nacional de Víctimes de Crímenes d'Estáu (Movice). Esta variedá de testimonios y actores, colla particular cercanía que promueve la presencialidá, ye dalgo que namás una Misión d'Observación pue llograr y que mos permitió constatar en primer persona la fonda complejidá de la realidá colombiana y del so procesu electoral. Dos conclusiones fundamentales:

1. El recrudecimientu de la violencia amenaza la ejecución de los Alcuerdos de Paz

Colombia sufre dende hai años un recrudecimientu de la violencia –estructural– que paeció poner un importante puntu y aparte colos Alcuerdos de L'Habana nel 2016, pero que tán alcontrando numerosos pilancos pal establecimientu de la xusticia y la paz. A les cifres alarmantes de persecución y asesinatos a ex-guerrilleros añádense los testimonios sobre l'aumentu del control territorial de nuevos grupos armaos non estatales y grupos criminales, con efectos devastadores pa les comunidaes llabradoras y étniques, particularmente les mujeres, con casos d'esllarigamientos y allistamientos forzosos, violencia sexual, confinamientos, esmembramiento de cuerpos y masacres. A ello súmense los asesinatos de defensores de los drechos humanos, con más del 50% d'asesinatos de personnes defensores del mun-

diu rexistraes nel 2020 ocurriendo en Colombia (Front Line Defenders). Dalgunos d'ellos incluso profirieron amenaces escontra diversos candidatos y candidates llexislatives y presidenciales, como Francia Marquez, candidata a la Vicepresidencia pol Pautu Hestóricu. Dalgunos victimarios, incluso, terminaron ocupando un escañu como representantes pola circunscripción de paz.

Teniendo en cuenta que se va cumplir el primer terciu del periodu total d'execución de los Alcuerdos de Paz y que les bases pa la transición hacia'l postconflictu danse nos primeros años, ye necesario reconocer los avances llograos pero tamién qu'e'l ritmu de desarollu ye tovía mui lento y que queda munchu trabayu pa llograr superar les causes estructurales del conflictu. Necesítense mayores avances –y recursos– en cuestiones esenciales, como la Reforma Rural Integral y sustitución voluntaria de cultivos d'usu ilícitu, la Xusticia Transicional, la participación política o l'esmantelamientu de les organizaciones socesores del paramilitarismu, al tiempu que se refuercen los ritmos d'execución de los enfoques de xéneru y étnicu. Por too ello, ye indispensable seguir monitorizando la situación y apoyando misiones d'observación de los drechos humanos como esta.

2. La complecidá y les irregularidaes constataes del procesu electoral emplácenmos a reforzar l'atención internacional el próximu 29 de mayu


Esti añu Colombia enfréntase a un ciclu electoral nel que los resultaos de les elecciones del 13 de marzu conduxeron a una configuración diferente del poder llexislativu y nel que tanto los sondeos como l'humor políticu y social colombianu apunten a un potencial cambéu de rumbu institucional.

Tres cuatro años de gobiernu d'Iván Duque pue dicise que Colombia traviesa tamién una fonda crisis política, económica y social qu'agravó los niveles de violencia y desigualdá de manera alarmante, al tiempu que la crisis derivada de la Covid-19 golpió duramente a ún de los países con mayor inequidá d'ingresos ya informalidá nel mercáu llaboral de Llatinoamérica. Como punta de llanza de la so xestión, un

intentu de reforma tributaria del gobiernu qu'alcontró la oposición de sectores amplios de la población, movilizao nel marcu d'un Paru Nacional que duró meses y que foi reprimiu duramente. Too ello llevó al Centru Democráticu a míminos de popularidá, con altísimos niveles de desaprobación hacia Duque y de desafección xeneralizada.

Ye nesti contestu nel que se dieron les elecciones llexislatives del pasáu 13 de marzu, nel que'l Pautu Histórico algamó resultaos inéditos nes cámaras – asitiándose como una de les primeres fuerces en dambes– y na consulta presidencial, siendo Gustavo Petro'l candidatu a la presidencia más votáu, con quasi cuatro millones y mediu de votos, y Francia Marquez, candidata a la vicepresidencia, la tercer política más votada, con 757.000 votos. El día de la xornada electoral pudimos constatar la fonda complexidá del procesu electoral, les dificultaes pal exerciciu plenu y con garantíes del drechu al votu, y les irregularidaes posteriores en rellación col robu d'una escomanada cantidá de votos a la candidatura del Pautu Históricu, que posteriormente recuperó varios escaños.

Si, como indiquen los sondeos, Gustavo Petro y Francia Márquez se consoliden como los principales rivales a superar nes próximes elecciones presidenciales, y con ellos s'abre la oportunidá de que la esquierda tresformadora llegue por primer vegada al gobiernu de la República, ye evi-



dente que'l 29 de mayu –y posiblemente'l 19 de xunu– se drán díes determinantes, y que la comunidá internacional deberá volcar la so atención pa contribuyir a que'l procesu se desarrolle con toles garantíes democrátiques, especialmente nos territorios rurales, onde yá pudimos constatar les numeroses vulneraciones de los derechos humanos y les dificultaes pal exerciciu efectivu del drechu al votu. Por too ello ye más importante si cabe garantizar la presencia y la continuidá de les Misiones d'Observación Electoral.

Antón Gómez-Reino Varela
*Diputáu d'Unidas Podemos / En Comú Podem / Galicia en común
 Vicepresidente de la Comisión d'Asuntos Esteriores*

Colombia, graves vulneraciones de los derechos humanos

La grave situación de vulneración de los derechos humanos en Colombia certificaronla diferentes organismos internacionales, ente ellos Amnistía Internacional, que denunció nel so informe de 2021/2022 l'aumentu de crímenes rellacionaos col conflictu armáu, l'esllarigamientu forciáu de, polo menos 100.000 persones, y les detenciones arbitrarias y tortures de la policía nel marcu del Paru Nacional. Esi informe alerta de que "los homicidios de defensores de los derechos humanos y les amenaces dirixíes escontra estes persones algamaron niveles alarmantes".

Ye fundamental considerar la situación de les personas colombianes exiliaes por motivos de persecución política. Según l'Axencia de les Naciones Xuníes pa los Refuxaos (ACNUR) ente los años 2000 y 2012 cerca de 400.000 colombianos y colombianas viéronse forciaos a fuxir del so país, pero les autoridaes del país namás reconocen, de momentu, a 50.000 víctimes d'esi delitu.

Nel casu de les personas colombianas que soliciten asilu nel Estáu español, ha destacase'l significativu incrementu de les peticiones a raíz de la firma de los alcuerdos de paz. De 97 solicitúes d'asilu nel 2014 pasó a 29.363 nel 2019. Nel 2021 mantiéñese'l número altu de peticiones, con 19.836. Pero esti incrementu nun alteró de manera significativa la secular política de refugu masivu por parte de los sucesivos gobiernos españoles: solo nel 2021 dene góronse 18.614 solicitúes, el 93,8% del total, un porcentaxe asemeyáu al d'ños anteriores. El gobiernu español argumenta na mayoría de los refugos que Colombia tien un sistema de protección, asistencia y reparación integral de les víctimes suficiente, colo que nun s'acreditaría un temor fundáu de persecución.

El casu ye que, según un informe de la Xurisdicción Especial pa la Paz, polo menos 276 ex-combatientes de la guerrilla que s'acoyerón al programa de reinserción na

vida civil y quasi 1.000 cabezaleros sociales fueron asesinaos dende 2016. La campaña Defender la Llibertá, na que participaron varies ONG, denunció que 3.275 persones fueron deteníes arbitrariamente nes manifestaciones que tuvieron llugar ente'l 28 d'abril y el 30 de xunu, constatando, amás, situaciones de tortura, vexaciones y desapaiciones forciaes nel marcu del Paru Nacional. Documentense, igualmente, ataques constantes a los derechos de los pueblos indíxenes, y tamién violencia por motivos de xéneru, derechos sexuales y reproductivos. Habida cuenta d'esta situación, resulta imprescindible que la comunidá internacional asuma les sos responsabilidaes, tanto na verificación y observación de los procesos electorales, como na protección y cobertura de toles persones susceptibles de sufrir violencia política.

Non solo los gobiernos deben implicase nesti cometíu, sinón que la presencia de representantes políticos, sindicales y del texíu asociativo en Colombia contribuí de manera decisiva a reforzar les redes de monitorización, mecanismos de denuncia y estructures de protección de los derechos humanos.

Espresamos el firme compromisu de Podemos Asturies col Programa Asturianu d'Atención a Víctimes d'Ataques a los Derechos Humanos en Colombia, que nos sos más de 20 años d'esistencia dio protección a más de 120 persones persiguíes y amenazaes de muerte en Colombia pola so defensa de los derechos humanos, y la voluntá de seguir apoyando y participando nes misiones de la Delegación Asturiana pa Pescudar l'Estáu de los Derechos Humanos en Colombia, que realizó visites al país de manera ininterrumpida dende l'año 2005.

P'acabu, quiero recordar a Luciano Romero Molina y a Henry Ramírez Daza, que tuvieron acoyíos n'Asturies dientro del programa y que fueron asesinaos vilmente al so regresu a Colombia.

Rafael Abelardo Palacios García
Voceru del Grupu Parllamentariu Podemos Asturies
na Xunta Xeneral y componente del
Grupu Interparllamentariu pola Paz en Colombia

ESTÁU DE LOS ALCUERDOS Y DEL PROCESU DE PAZ COLES FARC

En payares del 2016 l'Estáu colombianu firmó coles FARC-EP l'Alcuerdu de Paz. Dende l'empiezu del so gobiernu'l presidente IVÁN DUQUE mostróse críticu y poco dispuestu a cumplilu.

A los cinco años de la firma hai avances, como la desmovilización de les FARC, la creación del partíu políticu Comunes, la creación de 16 circunscripciones especiales na Cámara de Representantes pa les víctimes del conflictu armáu internu, la creación de la Xurisdicción Especial de Paz y de la Comisión de la Verdá.

Con too y con eso, siguen les agresiones escontra les personas que firmaron la paz y escontra les sos families. Nel 2021 fueron asesinaes 48 personas que firmaron la paz, de les que cuatro yeran muyeres. Estos crímenes asocedieron en 39 conceyos de 15 departamentos. En total asesinaron a 305 personnes firmantes del Alcuerdu de Paz nos últimos cinco años.

Los ataques nun se responden dende'l gobiernu con midíes de protección efectives, nin la fiscalía muestra diliencia n'esclariar estos crímenes.

La Corte Constitucional decretó como ‘estáu de coses inconstitucional’ y atentariu a los drechos fundamentales d'estes personnes a les que se-yos tán atacando drechos como'l drechu “a la vida, a la integridá personal y a la paz”, reclamaos polos firmantes peles vías xudiciales énte la desidia del gobiernu y de la Unidá Nacional de Protección.

Pal senador ya integrante del partíu Comunes y firmando de la paz Rodrigo Granda: “Ye lo que venimos diciendo de tiempu atrás, qu'equí hai una simulación de cumplimiento del alcuerdu de paz, que nun tenemos ple-

nes garantíes nin pal exerciciu de la política, nin pa una reincorporación nun sentíu menos traumáticu”.¹

Les elecciones nes Circunscripciones Especiales Transitorias de Paz, CETREP, contemplaes nel alcuerdu, tuvieron marcaes pol desconocimientu de les víctimes, la usurpación por candidatos de los partíos tradicionales de los escaños de les víctimes y pol control armáu sobre los votantes en munches zones rurales del país.

Nun hebo seguridá pa les candidatures de les víctimes nin de los sos votantes. Les aportaciones del gobiernu pa la campaña política nun llegaron a tiempu. Les candidatures auténtiques de les víctimes quedaron en franca desventaya frente a los candidatos de los partíos tradicionales bien financiaos, como la del fíu de ‘Jorge 40’ nel Cesar, que revictimiza a millones de personnes.

Les llibertaes polítiques neses rexones tán en manes de paramilitares, insurrecciones y bandes qu'exercen control social y políticu, anque, n'otra prueba más de valor, la población llogró espresase electoralmente abondo como pa insistir nes demandes de paz, llibertaes, respetu polos drechos humanos ya inversión del Estáu.

Les anomalíes graves na convocatoria a responsabilidaes de paz fueron continues en Chocó, Córdoba y Sucre, y a la vista de los resultaos del domingu, certeres. Hebo amenaces de muerte y apropiación de candidatos por victimarios y partíos tradicionales. Les autoridaes del puelu indíxena zenú de Flor del Monte declaráronlos oxetivu militar por avalar una candidatura.

Les víctimes nun conocen les CETREP, faltó pedagogía. CARMEN GARCÍA, presidenta de Madres del Catatumbo, tevo qu'arrenunciar a ser candidata porque la amenazaron de muerte si siguía faciendo campaña política.

“El procesu electoral que s'adelanta nel nuesu país en medio d'una polarización alta nel nuesu territoriu viose

¹ <https://www.aa.com.tr/es/pol%C3%ADtica/rodrigo-granda-en-colombia-hay-una-simulaci%C3%B3n-de-cumplimiento-del-acuerdo-de-paz/2498267>

afectáu por aiciones tales como: prohibición en dalgunes zones rurales de proselitismu políticu a candidatos alternativos al partíu de gobiernu, amenaces a cabezaleros políticos (militantes del Pautu Hestóricu), torgues pa exercer el drechu al votu'l de 29 de mayu, el vetu a reuniones d'organizaciones sociales y defensores de Derechos Humanos".²

LA XUSTICIA ESPECIAL PA LA PAZ, XEP

La XEP convirtióse pa les víctimes nuna esperanza d'algamar los derechos a la verdá, la xusticia, la reparación y la non repetición.

Asturies apoyó a la XEP énte los actos hostiles del gobiernu pa desmontala o paralizala y entregó a traviés de la XVIII Delegación, el 14 de marzu d'esti añu, los 17 informes d'otres tantes visites a les zones en conflictu social y armáu, como una contribución a la busca de la verdá na que tán les 328.071 víctimes acreditaes, qu'esperen de les 13.200 personas comparecientes, ente civiles, militares, ex-guerrilleros y paramilitares, que cunten la verdá de los delitos cometíos nel marcu del conflictu armáu internu.

Mui importantes son los avances nos casos de "toma de rehenes y graves privaciones de la llibertá (macrocasu 001) y sobre muertes illexítimamente presentaes como baxes en combate por axentes del Estáu o "falsos positivos" (macrocasu 003), y tamién la priorización del macrocasu




Empecipiando viaxe sobre'l ríu Atrato.

007 sobre allistamiento y usu de neños y neñes nel conflictu armáu".³

Son esperanzadores los anuncios de que van abrise casos nuevos sobre otros delitos, como l'esllarigamientu forciáu, la desapaición forciada de persones, la violencia sexual y los ataques escontra pueblos indíxenes y comunidaes negres en dalgunos territorios.

2 “Los Montes de María. Incertidumbre, miedo, amenazas y sometimiento...” Comunicáu del Conseyu Territorial de Paz de los Montes de María, marzu del 2022.

3 Situación de los derechos humanos en Colombia. Informe de l'Alta Comisionada de les Naciones Xuníes pa los Derechos Humanos, febreru del 2022 pág. 12.



La Uramia (formiguina) en llancha.

UNIDÁ DE BUSCA DE PERSONES DAES POR DESAPAECÍES

La UBPD sigue reportando avances na busca de personas desapaecíes a pesar de les dificultaes que tien p'acceder a información institucional.

Les estratexes de la UBPD en 35 rexones na busca de 31.061 personas desapaecíes, qu'incluí la collaboración na busca por parte de les organizaciones sociales, llograron recuperar 358 cuerpos y avanzar nel Rexistru Nacional de Fuexes, Cementerios Illegales y Sepultures cola información de 4.373 sitios de disposición de cuerpos.

Nel territoriu del puelu indíxena barí, según les denuncies que recibió la delegación asturiana, hai varies fuxes comunes que nun se rexistraron.

La desapaición forciada de personas sigue. “Denunciamos la desapaición forciada de RODOLFO GALVIS, en setiembre del 2021. Ye presidente de la cooperativa Pebidas de Paz y ye un cabezalero de la restitución de les tierres baxes de Tibú. Taba enfrentáu con una empresa palmera. La UNP asignó-y un sistema mui precariu de seguridá, qu'él devolvió”.⁴

4 Tibú, reunión con organizaciones sociales, 6 de marzu del 2022.

COMISIÓN DE LA VERDÁ

La Comisión de la Verdá prepara'l so informe final.

Ye'l trabayu de trés años en 25 espacios de reconocimiento y nos que s'escuchó a 27.290 personnes. Un esfuerzu importante nel camín de la non repetición, a pesar de les trabes, les descalificaciones y les dificultaes p'acceder a información institucional.

El Programa Asturianu d'Atención a Víctimes de la Violencia en Colombia entregó –nun actu especial na XEP, el 14 de marzu del 2022– los archivos de 21 años del exiliu colombianu n'Asturies. Son publicaciones como la revista *Woumain–Nuestra Tierra*, artículos, denuncies, testimonios y memories qu'ilustren la realidá de les personas que tuvieron que salir del país pa salvar la vida.

La Comisión de la Verdá va formular recomendaciones que debieren promover cambios institucionales a los que-yos va faer siguimientu una comisión.

REFORMA RURAL INTEGRAL

Ún de los problemes estructurales de Colombia ye l'alta concentración de la propiedá de la tierra en manes de los llatifundistes, y la falta de títulos de propiedá de les tierres ermes ocupaes dende hai décades por families llabradoras, lo que les fai vulnerables al desaposisu con violencia y los esclúi de programes d'apoyu.

Esta situación xenera violencia y atrasu social y económico. La mayoría de los conflictos –incluyíu l'armáu– tienen el so orixe nel acaparamientu violentu de les tierres y nun alcuentren solución pola ausencia de programes de reforma agraria, de xurisdicción agraria y d'apoyu a la economía llabriega que, a pesar de la so marxinalidá y desprotección, ye la fonte de la seguridá alimentaria del país.

La titulación en propiedá de les tierres ocupaes por families llabradoras y la protección del mediu ambiente

contemplaes nel alcuerdu de paz nun avancen. Nun son la llinia prioritaria del gobiernu, que punxo otru pilancu: el conceptu del Ministeriu de Defensa que tien de certificar condiciones de seguridá d'una rexón como requisitu previu a les aiciones de titulación o de restitución de tierres en beneficiu del campesináu, requisitu que nun contemplen p'autorizar les esploraciones y esplotaciones de les multinacionales mineres.

Nun avanza la incorporación de facientes al Fondu de Tierres pal repartu ente les families llabradoras que nun lo poseen, y los baxos resultaos nel saniamientu y ampliación de los territorios ancestrales de los pueblos indíxenes y los territorios colectivos de les comunidaes negres.

Según la Procuraduría Xeneral, nel casu de les comunidaes negres, de 329 solicitudes de titulación colectiva emitíronse 21 y, nel casu de pueblos indíxenes, de 680 demandes de constitución, ampliación y saniamientu de resguardos avanzóse en 50 procesos.

Los Programes de Desarrollu con Enfoque Territorial, PDET, namás tán enriba'l papel nel casu de les rexones nes llamaes fueyes de ruta de los conceyos, ensin que tean aseguraos los enfoques étnicos y de xéneru, nin la participación de les organizaciones llabriegues, indíxenes y negres.

El Programa Nacional Integral de Sustitución de Cultivos d'Usu Ilícitu, PNIS, fracasó hasta la fecha, porque'l gobiernu engaño a miles de families llabradoras que desañicieron de manera voluntaria los cultivos de coca, pero nun recibieron los recursos pa los proyecatos productivos de llargu plazu que debíen reemplazalo.

Hai un crecimientu del área semao en cultivos d'usu ilícitu y un recrudecimientu de la corrupción y de les violencias asociales.

Na zona del Catatumbo, nes collaciones La Pista, quilómetru 15, Río de Oro, Brisas de la Frontera, hai problemes ente l'exércitu y los llabradoras. “Nun defendemos la coca, sinón el drechu a comer y si vienen a desañiciale ensin trayer soluciones de proyecatos productivos habrá más



Comunidaes y autoridades indíxenes y negres en Riosucio.

problemes y hasta muertos, porque tamos dispuestos a faemos matar si ye menester.”⁵

Restitución de tierras

El drechu a la restitución de les tierres desapossiaes nun ye efectivu en rexones amplies del país nes que'l poder de los usurpadores y la falta de voluntá del gobiernu mantiénla inoperativu, como son los territorios del Catatumbo, Baxu Cauca y Sur de Bolívar, Nariño, Chocó y rexones del Suroriente.

N'otres zones como la d'Urabá, la fuercia pública sigue negándose a escoltar les comisiones de funcionariáu encargao de cumplir les órdenes de xuces de la República

de proceder a la restitución material de les tierres usurpaes con violencia a los sos llextímos propietarios llabradoreos.

La prorroga nel 2021 de la vixencia de la Llei de Víctimes y de la restitución de tierres por diez años más, ofrez la oportunidá de que se faiga efectivu esi drechu de les víctimes neses zones.

Les cifres de resultaos al 10 d'avientu del 2021, espublizaes pola ONX, falen de qu'hai 6.528 sentencies xudiciales de restitución de tierres y 21 pa puebos étnicos que sumen cerca de 3.848.000 díes de gües (481.000 hectárees) restituyíes, beneficiando a 17.229 mujeres y 17.186 homes.

Preocupen les cifres altas d'agresiones que revictimícen a les personas qu'esixen la restitución de les sos tierres. Hasta'l 2021 hai rexistros de qu'asesinaron polo menos a 51 personnes reclamantes.

Tamién fueron víctimes d'asesinatu cuatro personnes d'una comisión desplegada pola URT nuna zona rural del

⁵ Tibú, reunión con organizaciones sociales, 6 de marzu del 2022.

departamentu del Meta ente los conceyos de Mesetas y Uribe, compuesta por una funcionaria, dos hermanes reclamantes y el conductor, que desapaecieron dende'l 27 de mayu del 2021. Los sos cuerpos alcontráronse nuna fuexa común.⁶

Les comunidaes nes zones nes que nun opera la URT y n'otres nes qu'hai conflictu armáu, temen que les desaparisen de les sos tierres.

CAPÍTULU ÉTNICU Y DE XÉNERU


El primer informe de siguimientu, impulsu y verificación a la ejecución del capítulo étnicu del Alcuerdu Final pa l'Acabación del Conflictu y la Construcción d'una Paz Estable y Duradera amuesa resultaos baxos pola falta de voluntá del gobiernu pa cumplir los compromisos adquiríos.⁷

Na negociación del capítulo étnicu del Alcuerdu de Paz participaron les organizaciones indíxenes y de mujeres. Les partes alcordan unes salvaguardaes que ta incumpliendo l'Estáu-gobiernu colombianu: respetar el calter principal y non subsidiariu de la consulta y el consentimientu previu, llibre ya informáu de planes y proyectos d'inversión en territorios indíxenes y negros; l'incorporar l'enfoque tresversal étnicu, de xéneru, mujer, familia y xeneración; el respetu de la oxeción cultural como garantía de non repetición, y el compromisu de que la implementación del alcuerdu en nengún casu afectaría drechos de los pueblos indíxenes y de les comunidaes negres.

Tampoco se ta respetando'l compromisu d'aplicar per quince años dende la firma del alcuerdu, l'enfoque de xéneru de manera tresversal pa eliminar les desigualdaes económiques, sociales y polítiques.

6 <https://www.elespectador.com/colombia-20/conflicto/unidad-de-restitucion-de-tierras-confirma-asesinato-de-comision-desaparecida-en-meta/>

7 <https://drive.google.com/file/d/1wwh-yqVzd3mHwJa3hMU97qlIvvVBwLYY/view>



Situación col ELN

El gobiernu d'IVÁN DUQUE abandonó la mesa de diálogos de L'Habana col ELN y escaló la confrontación con esta insurxencia en tol país. A pocos meses del cambéu del gobiernu en Colombia nun se ve interés nes partes por reanudar conversaciones.

Pola importancia que tien la busca llexítima d'algamar la paz, dende Asturies convocóse a un alcuentru nel que quedaren clares les postures de les partes, polo que s'invitó a la embaxada de Colombia n'España a presentar los sos puntos de vista y al ELN a faer lo mesmo.

El gobiernu colombianu nun compareció. L'ELN mandó'l siguiente documentu:

“Saludu d'Aureliano Carbonell, de la Delegación de Diálogos del Exércitu de Lliberación Nacional (ELN) al Alcuentru Internacional de Sensibilización pola paz y los Drechos Humanos en Colombia, realizáu esti 5 y 6 de payares n'Asturies, España.

L'ELN sigue firmemente comprometíu cola llucha pol diálogu, la busca de la paz y los cambeos en Colombia, esto reiterámoslo ensin la menor ambigüedad; en febreru del 2017 na ciudá de Quito, Ecuador, instalemos una mesa de conversaciones col gobiernu colombianu, presidíu nesi momentu por Juan Manuel Santos, que s'interrumpió y canceló definitivamente por Iván Duque dende'l 7 d'agostu de 2018.

Nel procesu de diálogos y paz que s'entamó en Quito había una axenda, un diseñu de cómo se desarrollaría'l procesu, llogróse un cese billateral del fueu de 101 díes y hebo una primer espresión d'organizaciones de la sociedá, que plantegaron de qué manera deberíen participar nun procesu de conversaciones de paz y de solución política.

Incumplimientu del alcuerdu de paz. En payares del 2016 firmóse un alcuerdu de paz coles FARC; cinco años dempués nun cumplieron aspectos esenciales, nun hai adelantu nin escomienzu al respetuive de les reformes que

pautaron; l'alcuerdu quedó reducíu a la mera reinserción y tovía nel aspeutu de la reinserción hai serios incumplimientos, dificultaes y problemes.

Cinco años dempués de la firma del alcuerdu les desigualdaes y la situación social del país son más crítiques, tamién la violencia dende ‘los d'arriba’, les clases dominantes y l'Estáu ye dramática por demás. Voi da-yos unos datos qu'indiquen tal realidá: dempués de la firma del Alcuerdu de Paz asesinaron a 1.258 líderes sociales hasta'l pasáu 25 d'ochobre y quasi 300 ex-combatientes firmantes del alcuerdu.

Tratu de guerra a la protesta social. Nel tratamientu de la movilización, de la protesta social como espresión llexítima de la ciudadanía hai tamién unos datos aterradores; nel estallíu social ocurrió en Colombia a partir del 28 d'abril, que s'estendió hasta mayu y xunu, perpetráronse 87 asesinatos, especialmente manifestantes na so gran mayoría causaos poles Fuerces Armaes (FF. AA.) y tamién a manes del paramilitarismu urbanu, qu'usaron armes de fueu escontra la xente que protestaba, tal como ta constatao en centenares de videos que circularon nesi momentu pel país y el mundiu enteru.

El 9 y 10 de setiembre del añu anterior na protesta masiva qu'estalló pol asesinatu d'un abogáu a manes de la policía les FF. AA. asesinaron a 13 manifestantes: 10 en Bogotá y 3 en Soacha, conceyu contiguu a la capital.

Como se ve, cinco años dempués de firmaos esos Alcuerdos de Paz la situación del país sigue siendo igual o peor en cuantes a los componentes sociales, de soberanía, democracia, inxusticia social y violencia de los que detenen el poder políticu y económico, desafortunadamente esta ye la realidá.

Nuevu modelu de negociación. Nesti marcu de realidaes, que son les propies de la llucha de clases y de les lluches de los pueblos, l'ELN plantega qu'hai que persistir y seguir lluchando por desarrollar procesos de diálogu y solución política, caminos de paz y de cambeos, que ye

la esencia del nuesu ser; al empar plantegamos qu'hai que construyir un nuevu modelu de negociación, de solución política y de paz; nesa construcción y puesta en práctica tienen de participar les distintes fuercies populares, el movimientu social, les distintes fuercies d'esquierda y la sociedá entera, esi ye'l nuesu criteriu y la nuesa disposición.

Pa esi modelu nuevu que ta en construcción l'ELN aporta unos elementos; mencióno-yos brevemente dellos:

1) La participación de la sociedá nel procesu ye un elementu vital, ye'l primer puntu de l'axenda que alcordenmos col gobiernu en marzu del 2016 cuando s'entamó'l procesu.

2) La billateralidá como criteriu nel procesu.

3) La simultaneidá nel cumplimientu de los alcuerdos.

4) Alcuerdu que se llogra alcuerdu que s'executa, sobre manera no referente a cuestiones humanitaries.

Estes son dalgunas de les aportaciones del ELN y d'otres voces; esti modelu nuevu ta en construcción, apóyase nes esperencies hestóriques y en propósitos de futuru pa Colombia, de manera tala que los resultaos en próximos procesos sían más promisorios y positivos pa les mayoríes y pal país. Munches gracies".⁸

LOS DRECHOS HUMANOS NEL 2021

La XVIII Delegación Asturiana pa Pescudar l'Estáu de los Drechos Humanos y la Paz de Colombia pudo constatar los efectos perversos de l'ausencia del Estáu y d'inversión social en vastes rexones, la persistencia y l'agravamientu del conflictu armáu internu nes rexones visitaes y la escalada de violencia en zones rurales y nes ciudaes del país.

⁸ <https://eln-voces.net/solucion-politica-con-otro-modelo-de-negociacion/>

Pudimos constatar la gravedá de los ataques escontra la dirixencia social colombiano en campos y ciudaes, que reviste'l calter de violencia sistemática ya impune. Les persones que defenden los drechos humanos y el mediu ambiente tán en gran peligru.

"Per segundu añu consecutivu, **Colombia** rexistró la mayor cantidá d'asesinatos nel 2020, con 65 persones defensores de la tierra y del mediu ambiente asesinaes. Estos homicidios asocedieron nun contestu d'ataques xeneralizaos escontra defensores de drechos humanos y cabezaleros comunitarios de tol país, a pesar de la esperanza xenerada pol alcuerdu de paz del 2016. Los pueblos indíxenes viéronse particularmente afectaos y la pandemia de COVID solo sirvió pa empeorar la situación. El confinamientu oficial llevó a que les y los defensores fueran atacaos nes sos cases y a que se reduxeren les midíes de protección del gobiernu".⁹

Pero, pa CARLOS CORREA, Ministru d'Ambiente y Desarrollu Sostenible, "Colombia nun ye peligroso pa defender la naturaleza. Nun se pue xeneralizar que defender el mediu ambiente en Colombia sia arriesgao".¹⁰

El mieu al paramilitarismu espardióse potenciáu pol narcotráficu y con responsabilidá de la fuerzia pública, qu'en munches rexones omite'l deber de combatilos. Ye'l casu del departamentu del Chocó, sobre'l que los obispos de la Ilesia católica denunciaron: "El Clan del Golfo tien tomáu tol departamentu".¹¹

"Lo que pasa ye que cuando tienes al actor armáu col fusil na cabeza ye difícil espresase con llibertá, como podría facese nun Estáu de Drechu sólidu. La xente denúncialo nestos alcuentros con nós, díz-ylo a la ONX, díz-ylo a Defensoría. El Clan del Golfo tomó tolos departamentos,

⁹ <https://www.globalwitness.org/es/last-line-defence-es/>

¹⁰ <https://www.elcolombiano.com/colombia/ministro-de-ambiente-carlos-eduardo-correa-asegura-que-colombia-no-es-peligroso-para-defender-la-naturaleza-LH17238452>

¹¹ <https://www.elespectador.com/colombia-20/conflicto/iglesia-catolica-denuncia-vinculos-del-estado-con-paramilitares-en-choco/>

mira lo qu'asocede en Bahía Solano, Juradó y Nuquí, o l'Altu, Mediu y Baxu Baudó, agora l'ELN ta arrequezáu allá".¹²

Segmentos amplios de la población espresen de manera pública que perdieron l'enfotu na fuerzia pública, polos abusos y asesinatos cometíos pola policía y documentaos nes redes sociales y medios de comunicación nes movilizaciones del estallíu social d'abril, pola notoriedá de la so convivencia colos carteles del narcotráficu y pola so tolerancia colos grupos paramilitares.

"Les demandes de les personas manifestantes reflexen amplios agravios sociales fundamentaos en que l'Estáu nun garantiza los derechos económicos y sociales básicos –como la educación y la salú– y en que nun desarrolla midíes pa mitigar los efectos de la pandemia nún de los países con mayor desigualdá de la rexón. En cuenta escuchar les demandes de los miles de personas que se manifestaben, el gobiernu d'Iván Duque respondió con represión y violencia pa desalentar les manifestaciones pacífiques y, n'última instancia, castigar a quien pidía cambeos nel país".¹³

Nel paru nacional que se rexistró en 860 conceyos del país, ente'l 28 d'abril y el 15 de xunetu del 2021, según la organización Temblores rexistráronse 83 homicidios (44 por presunta aición de la policía), 96 xóvenes perdieron un güeyu y 2.053 detenciones arbitrarias.¹⁴ Amás, hai denuncies escontra la policía por abusos sexuales escontra muyeres nel marcu de les protestes.

Cada añu resulten más preocupantes los retrocesos de Colombia en materia de derechos humanos, por causa l'abandonu del Estáu de les obligaciones *erga omnes* de res-



Mujeres del pueblu indíxena bari.

petalos y garantizalos. Evidencióse que la Policía Nacional nun los respetó durante l'españíu social qu'escomenzó n'abril, y ye evidente que'l gobiernu resulta incapaz de garantizar el drechu a la vida pa la dirixencia social, pa los firmantes de la paz y pa gran parte de les comunidaes rurales.

Pa la ONX "Colombia gocia d'un marcu ilegal robusitu pa la protección del drechu de reunión pacífica. Sicasí, la represión de les protestes y cómo s'usó la fuerzia escontra manifestantes pacíficos nel marcu del paru evidenciaron la necesidá de reforzar la xestión democrática de la protesta. L'ACNXDH documentó casos d'usu innecesariu o desproporcionáu de la fuerzia, que provocaron privaciones arbitrarias de la vida y ataques a la integridá y seguridá personales, tamién detenciones arbitrarias y violencia sexual y de xéneru, y actos de discriminación y racismu. En dalgunos

12 Ib.

13 <https://www.es.amnesty.org/en-que-estamos/reportajes/colombia-repcion-y-traumas-oculares/>

14 <https://indepaz.org.co/infografia-del-paro-balance-en-cifras/>



DA na comunidá embera dovida de Jagual.

d'estos casos les víctimes yeren indíxenes, afrodescendientes periodistes y defensores de drechos humanos. En particular, l'ACNXDH verificó 46 muertes (incluyendo una mujer) nel contestu d'eses protestes. 28 tendríen involucrada a la fuerzia pública y 10 a personnes armaes vistíes de civil. N'ochu casos nun se pudo identificar al perpetrador. Adicionalmente, la Oficina recibió alegaciones de violencia sexual escontra 60 personnes (48 mujeres y 12 homes), de

les que verificó 16 casos presuntamente cometíos por integrantes de la policía".¹⁵

Nos territorios visitaos la población ta sometío al control creciente y violentu de los grupos narco-paramilitares,

15 Situación de los drechos humanos en Colombia. Informe de l'Alta Comisionada de les Naciones Xuníes pa los Drechos Humanos, febreru del 2022.

guerrilles, bandes delincuenciales y n'ocasiones a l'actuación d'integrantes de la mesma fuerzia pública qu'ataquen los drechos fundamentales que l'Estáu debe garantizar, como'l drechu a la vida, a la llibertá personal, les llibertaes de pensamientu, organización, reunión y movilización, aiciones qu'ataquen a la seguridá de les persones, o les someten a tortures, penes o tratos crueles, inhumanos o degradantes, aiciones d'usu perversu de la xusticia pa persiguir opositores sociales atacando'l drechu a nun ser arbitrariamente deteníu, presu nin esterráu, y el drechu a nun ser desaposiáu de manera arbitraria de les sos propiedaes.

Nel 2021 la población colombiana sufrió ataques graves. Rexistráronse 96 masacres, con 335 víctimes en 73 conceyos de 21 departamentos.¹⁶

Amás, Los datos de la Policía Nacional rexistraron un incrementu del 9,5% del númberu d'homicidios, principalmente en zones con niveles altos de desigualdá y una insuficiente presencia integral del Estáu.¹⁷

Constatamos que gran parte de la violencia qu'asuela les rexones visitaes, definíes como Circunscripciones Transitorias Especiales de Paz, orixínase nel incumplimiento del Alcuerdu de Paz que l'Estáu firmó coles FARC, na espansión tolerada del paramilitarismu y del narcotráficu, qu'obliga al campesináu escluyíu de la inversión social a semar coca, imposición basada nel so poder políticu, militar y corruptor, en rexones antes controlaes poles FARC.

Otra parte del ciclu nuevu de violencia orixínase na re-paramilitarización del país, nel creciente control social y territorial del narcotráficu, nel incumplimiento del alcuerdu de paz firmáu coles FARC, nel abandonu del gobiernu de la Mesa de Diálogos col ELN y l'escalamientu de la confrontación, y nel tratu de guerra a la llexítima protesta social.

16 <https://indepaz.org.co/cifras-de-la-violencia-en-las-regiones-2021/>

17 <https://www.policia.gov.co/grupo-informacion-criminalidad/estadistica-delictiva>

Preocúpamos que la voluntá belicista del gobiernu facilite la continuidá de l'agresión de los Estaos Xuníos a la soberanía y a la seguridá de Venezuela, lo que convertiría'l conflictu internu de Colombia nun conflictu internacional.

Consideramos mui grave la falta de garantíes pa preservar la vida de les persones firmantes de la paz. Más de trescientos cayeron asesinaes dende la firma del alcuerdu y la Fiscalía Xeneral nun da resultaos de les investigaciones. La impunidá ye otra fonte de violencia, pues aguixa la continuidá de les agresiones que-yos costaron la vida a más de mil trescientos persones de la dirixencia social dende la firma del alcuerdu, fechu que mos permite afirmar qu'en Colombia hai violencia ya impunidá estructurales.

Los ataques escontra quien defenden los drechos humanos son mui graves y nun dudamos en calificalos d'ataques sistemáticos, pol númberu altu y pol calter de les víctimes, pol *modus operandi*, pol propósitu evidente d'acabar coles organizaciones sociales y pola impunidá xeneralizada a cargu de la Fiscalía Xeneral.

Ún de los sectores sociales más golpiaos sigue siendo'l movimientu sindical. La so dirixencia, activistes y les persones afiliaes siguen siendo persiguíes de manera sistemática, afectando a les llibertaes sindicales y los drechos sociales y llaborales. Tamién tán mui afectaos por ataques les persones que defenden el mediu ambiente, la dirixencia llabriegga, indíxena, afro y xuvenil.

Al sindicalismu siguen persigiéndolu a muerte. "Nel 2021, dempués de doce años, Colombia ye llamada pola Comisión de Normes de la OIT a rindir cuentes pol ataque al Conveniu 87 sobre la llibertá sindical y protección al drechu de sindicación. Pasó una década dempués de qu'el Gobiernu Colombianu recibiera numberoses recomendaciones de distintes organizaciones internacionales como la OIT, el PNUD y la OCDE. Asina como los compromisos roblaos nel marcu del Plan d'Aición Llaboral (PAL) soscritu colos EE. XX. y la Fueya de Ruta (Resolución 2628). A

pesar d'ello, la execución parcial d'esas recomendaciones y l'ausencia de voluntá política pa garantizar el desmonte de pilancos pal exerciciu de les llibertaes y los drechos sindicales, como la violencia ya impunidá, nun reflexó avances sustanciales que favorezan un escenariu garantista pa los drechos llaborales y l'actividá sindical. Según l'informe d'Índiz Global pal añu 2021, Colombia sigue na llista de los diez peores países pa trabayadores nel mundiu. Según el Sistema d'Información de Drechos Humanos de la Escuela Nacional Sindical, Sinderh, en Colombia per más de trés décades sindicalistes y sindicatos fueron víctimes de distintes formes de violencia, siendo esta una de les formes más graves d'esclusión padecida pol movimientu sindical, y qu'entá nun foi oxetu de reparación. Dende'l 1 de xineru del 1971 hasta'l 30 de payares del 2021 rexistráronse, polo menos, 15.453 ataques a la vida, la llibertá y la integridá cometíes escontra sindicalistes. Ente estes, 3.295 homicidios, 434 atentaos escontra la vida, 253 desapaiciones forciaes, 7.624 amenaces de muerte y 1.952 esllarigamientos forciaos".¹⁸

Cada añu ye más difícil visitar a les comunidaes nes rexones, como se denuncia nel comunicáu de la Delegación Vasca d'Observación de Drechos Humanos en Colombia con fecha 29 de xineru de 2022: "En 10 años del programa, tres varies visites de siguimientu al país, ye la primer vegada que nun podemos acceder a los territorios. De la mesma manera, nun se dan les condiciones de seguridá pa garantizar la entrada de los organismos internacionales y los entes de control. Too ello constitúi una muestra clara de la insecuridá que viven les comunidaes étniques y les personnes defensores de drechos humanos".

A pesar del peligru y del mieu, nes rexones visitaes les organizaciones sociales y de víctimes reuníeronse cola delegación asturiana y expresaron:

18 <https://ail.ens.org.co/opinion/los-derechos-humanos-y-la-libertad-sindical-en-colombia-permanecen-en-crisis-conmemoracion-del-dia-internacional-de-los-derechos-humanos/>

Nel **Baxu Atrato** el puelu indíxena embera dóbida ta atrapáu pola guerra ente l'ELN y el Clan del Golfo, grupu paramilitar que quier impone-yos el cultivu de plantes de coca ayenu a la cultura embera, que s'arriesga a desañicialo coles sos propies manes.

A la delegación asturiana interceptáronla a la xubida y baxada del ríu Chintadó paramilitares d'AGC que mantienen un puestu permanente de control que la fuerza pública tolera, allugáu en La Nueva, sitiú onde s'axuntan los ríos Chintadó y Truandó.

El territoriu ta cercáu por mines antipersona y les comunidaes embera tán confinaes, sometíes al control paramilitar y abandonaes pol Estáu. Constituyeron la Guardia Ambiental o Uramia –formiga– pa protexer la selva y n'eguense a participar de la guerra, de los cultivos ilícitos y del tráficu de drogues. Denuncien l'allistamientu forciáu de menores, les violaciones escontra neñes y mujeres embera, l'asediu de la minera Cobre SAS, que pretende imponer proyeutos de gran minería por métodos atentatorios a la dignidá y al drechu.

N'Urabá, la Comunidá de Paz de San José de Apartadó, sigue asediada polos grupos narco-paramilitares, de los que niega la esistencia la Brigada XVII del exércitu, colla que comparten el control de la rexón, siendo público y notoriu que se reúnen y se coordinen.

La Comunidá de Paz señala'l control paramilitar de la rexón en sitios llamaos "puntos". A pesar de tar militarizada la zona, los paramilitares muévense con llibertá y en toles collaciones entren pola fuerzia a les reuniones de les xentes d'aición comunal y a les asamblees rurales, imponiendo la so presencia armada y el so proyeutu, ayenu a los planes de vida comunitarios.

La comunidá de paz, acoyéndose al drechu de les víctimes a saber la verdá, pide que se dean a conocer los rellavicos de la entrega del xefe paramilitar de nomatu Otoniel.

El sur de Córdoba ta militarizáu, pero la población sigue baxo'l control del grupu paramilitar Autodefenses Gaita-



A Jagual llegaron comunidaes de varios ríos pa reunise cola delegación asturiana.

nistes de Colombia, qu'amenaza, asesina, esllariga y recluta a menores, como en Tierralta, a pesar de les alertes tempranes de la Defensoría del Puelu dende hai más d'un añu.

Xeneren alarma les cifres de la violencia del 2021 en Tierralta escontra la población LGBTIQ+, que sufrió 15 casos d'agresión y asesinatos.

De manera especial resulta preocupante l'incrementu de la violencia sistemática de xéneru en Córdoba, con 22 feminicidios nel 2021.

La Secretaría de Gobiernu, la Policía y el Defensor del Puelu de Córdoba reconocen la esistencia de grupos paramilitares y los incumplimientos en materia de restitución de les tierres usurpaes, indemnizaciones y sustitución de cultivos ilícitos, alegando la falta de recursos que deben llegar de Bogotá.

Nel departamentu de Sucre recibimos denuncies de la permisividá de les autoridaes civiles y militares col actuar

criminal de los grupos narco-paramilitares qu'exercen un control políticu y social que ye de dominiu públicu.

Les autoridaes afirman que “nun creen” na esistencia del paramilitarismu y atribúin el control armáu sobre les comunidaes y los asesinatos escontra la dirixencia social a problemes ente bandes del narcotráficu pol dominiu de territorios, microtráfico, estorsiones y prostitución. Esta esplicación esmuel –por ser falsa– a les organizaciones sociales, pa les que se trata d'encubrir a la delincuencia dende les instituciones, situación que tien antecedentes y que nun escusa a les autoridaes de la so obligación d'investigala, sancionala y combatila.

Les denuncies recibíes dan cuenta de que los grupos narco-paramilitares asedien al campesináu de la finca La Europa de Ovejas, controlen el comerciu agropecuariu na rexón de La Mojana y restrinxen les llibertaes polítiques n'amplices rexones del departamentu nes qu'impfen les sos candidatures a cargos d'elección popular, organícen y convoquen asamblees d'obligatoria asistencia pa les comunidaes.

daes llabriegues. Quieren controlar la población, prohíben la creación de movimientos sociales que nun tean baxo'l so control, persiguen a muerte a los integrantes de los colectivos que defienden los derechos humanos. L'affirmación de que nun hai paramilitares escude la permisividá de la fuerza pública, qu'omite combatilos y obliga a que la ciudadanía presente les sos denuncias énte la Defensoría del Pueblo y les personeríes, y non énte'l Ministeriu del Interior, l'Armada Nacional, la Infantería de Marina o la Policía Nacional.

La población teme con razón que vuelvan les masacres, pues el grupu paramilitar muévese con llibertá y ta amenazando, asesinando llabradores, imponiendo toques de queda de doce hores en correximientos y collaciones de la rexón, toes baxo control militar, como Salitral, Los Números, Chéngue, Almagro, Don Gabriel, El Palmar, Pi-jiguay, San Rafael, Flor del Monte, Canutal y Canutalito, Damasco, Pedregal, Medellín, Villa Colombia, Las Babillas, Oso, San Francisco, Bajo Grande, Arena, El Tesoro, Buenos Aires y El Zapato.

Recibimos la quexa del abandonu pol gobiernu y la falta de reparación a les víctimes de les masacres de Chéngue y de La Mojana.

Los paramilitares tienen sitiaes a les comunidaes llabriegues de los Montes de María, como lo espresen los llabradores de la finca La Europa, que tienen 20 asesinaos na llucha pola tierra, 6 desapaecíos y 90 families esllarigües.

San Onofre. El grupu paramilitar Autodefenses Gaitanistes de Colombia, AGC, que forma parte del grupu delincuencial Clan del Golfo, llogró la hexemonía del control social y de los procesos políticos d'esa rexón y controla la economía ilegal y la del narcotráfico, ensin que l'alcaldía del Conceyu, l'Exércitu Nacional - Infantería de Marina, nin la policía lo eviten.

Norte de Santander. Amplies zones del departamentu tán lliteralmente copaes por 17 grupos armaos que controlen les actividaes económiques y sociales de la población. Les organizaciones sociales denuncien la presencia masiva

de militares y asesores militares de los Estaos Xuníos na zona fronteriza con Venezuela. Los gastos en defensa nun dan resultaos, pero afecten a la inversión social, al puntu de que la rexón solo cuenta con un hospital de primer nivel, lo que da una idea del abandonu de la zona de frontera.

Na rexón del **Catatumbo** la ciudadanía y, en particular, les comunidaes llabriegues y los pueblos indíxenes tán asediaos por grupos armaos, ente paramilitares como les AGC, Los Rastros, les disidencies de les FARC, l'ELN, l'EPL, nuna zona militarizada na que, con too y con eso, socédense a diario amenaces, asesinatos, estorsiones, confinamientos, allistamientos y esllarigamientos forciaos.

Al puelu indíxena barí nun lu escucha'l gobiernu na so demanda de saniamientu y ampliación del so territoriu ocupáu por colonos qu'afaren la selva pa semar coca, tampoco cuenten con un puestu de salú nin hai escuelas en condiciones. Tán padeciendo enfermedaes como la tuberculosis y la neumonía, abandonaos y a mercé de los grupos armaos que penetren nel territorio ancestral. La so situación ye más dramática cola llegada de llabradores y de pueblos indíxenes d'otres rexones de Colombia y de Venezuela, tamién pol allistamiento forciáu de los xóvenes y pola esistencia de campos minaos nel so territoriu. Recibimos informes que dan cuenta de la esistencia de fuxes comunes nel territoriu barí.

El gobiernu incumple la Sentencia **T-052 del 2017**, na que la Corte Constitucional impón el deber de garantiza-yos el drechu a esistir, a la identidá étnica y cultural, a la consulta previa, llibre ya informada, y a la propiedá colectiva de la tierra. Tampoco cumple lo estipulaos nel alcuerdu de paz referente a los pueblos indíxenes.

En Tibú, el conflictu armáu ta vixente y esprésase n'atentaos, asesinatos, acosu a les organizaciones sociales. Los llabradores cultivadores de coca siéntense engañaos pol gobiernu pola ausencia de proyectos productivos y énte la posibilidá de desaños forciaos, que los dexaríen ensin sustentu, polo qu'anuncien que fadrán resistencia pa evitar



Dances emberá.

la fame de les sos families. Les denuncies escontra les empreses petroleres y mineres faen referencia a la destrucción del mediu ambiente, al saquéu de recursos naturales y la baxa inversión social.

Mui graves son los ataques escontra les mujeres en tolos ámbitos, como les redes de trata de mujeres venezolanes con fines d'esplotación sexual y d'esplotación llaboral nos llaboratorios de procesamiento de cocaína, sometíes a condiciones de servidume o semiesclavitud, ensin que les autoridaes intervengan pa impedilo.

Hai denuncies escontra'l "Plan Catatumbo sostenible" que'l gobiernu crea pa safase del cumplimiento del Alcuerdu de Paz.

N'Arauca, el conflictu armáu ye álxidu. L'ausencia de diálogos col ELN y l'enfrentamientu ente organizaciones insurrectes xenera mieu na población civil.

Tán asocediente ataques graves a los drechos humanos y al DIH, allistamientos y desapaiciones forciaes, confinamientos de les comunidaes llabriegues y a los firmantes del Alcuerdu de Paz.

N'Arauca aumentó la estigmatización escontra los habitantes y los ataques escontra la dirixencia social. La fiscalía nun fai llevantamientos de cuerpos en zones rurales, nin investiga agresiones escontra la población civil. La fuerzia pública ta destinada a protexer la infraestructura de les empreses multinacionales y non a la población civil.

Fechos tan graves como l'atentáu con coche bomba escontra la sé de les organizaciones sociales en Saravena en xineru d'esti añu dan cuenta del nivel de riesgu que cuefre la dirixencia social; nel mesmu sen revisten gravedá los ataques escontra la empresa d'acueductu, cantarelláu, recogida de basura y gas domiciliario. Estos ataques escontra instalaciones civiles y comunitaries evidencien el propósitu d'aniquilar a la dirixencia social de Saravena y de destruyir la infraestructura creada dende hai mediu sieglu poles comunidaes per aciu de l'autoxestión.

Nel Caquetá, el gobiernu incumple l'Alcuerdu de Paz. La información xeográfica del allugamientu de los cultivos de coca, recogida pa los proyectos productivos de sustitución, ta usándola la Fiscalía pa detener al campesináu y la fuerzia pública pa quema-yos les viviendes y esllarigar a les comunidaes.

Ye grave quel gobiernu nun garantizara la seguridá de los firmantes de la Paz nel ETCR Urías Rondón, que debieron ser reallugaos énte l'acoso paramilitar, lo que da una idea del control d'estos grupos y de la falta de voluntá política pa combatilos.

La Operación Artemisa destinada a detener la deforestación nun concasa colos proyectos petroleros, que ponen en riesgu los ecosistemes. Ta persiguiéndose a los llabradoreños colonos, pero non a los grandes deforestadores.

Nun s'ofrecen alternatives de reallugamientu a les families obligaes a vivir fuera de la frontera agrícola y ta movíéndose a comunidaes de colonos o encarcelándolos.

El gobiernu convirtióse n'axente d'esllarigamientu forciáu, denuncien les organizaciones. Esto agrívase cola falta de voluntá del gobiernu p'adelantar la titulación de tierres a les families llabradores con decenes d'años d'ocupación.

La deforestación crez al ritmu de los asesinatos escontra'l campesináu.

Los pueblos indíxenes de l'Amazonía tán abandonaos pol Estáu y asediaos por grupos armaos y por inversionistes que se queden colos sos territorios y por grupos armaos qu'allisten y esllariguén. Los pueblos indíxenes denuncien

que la matriz minero-energética púnxeose percima de la naturaleza y de los drechos de los pueblos indíxenes.

Hai denuncies pola falta d'auditoría de los fondos europeos y norteamericanos destinaos a financiar proyeutos de reinserción a firmantes de la paz. Tampoco hai garantíes pa preservar la vida d'estes personnes; a 31 d'elles asesínaronles con impunidá nel Caquetá.

Bota Caucana, Piamonte y Putumayo. Les families llabradoreñas siéntense engañaes pol gobiernu. Arrincaron la coca y namás recibieron ayuda d'emergencia, pero non los proyeutos productivos.

El territoriu ta baxo'l control de grupos narco-paramilitares qu'imponen semar cultivos de coca y pretenden sustituir la organización llabriega de base por otra baxo'l so control. Nin la policía, nin l'alcaldía de Piamonte cumplen col deber de persiguir el paramilitarismu y el narcotráficu, nin el de protexer a la dirixencia social, que foi amenazao de muerte y obligao a esllarigase.

Nel Putumayo les comunidaes tán baxo'l control paramilitar y sometíes pol mieu a proyeutos mineros y del narcotráficu. Estrañamente hai más muertos del campesináu au hai más fuerzia pública. Les personnes defensores de los drechos humanos nun tienen garantíes y tán persiguiéndoles a muerte. Por ser zona de frontera, con coca y petroleu, les sos comunidaes tienen un grau altu de vulnerabilidá.

En tol país la violencia xeneralizada, la pandemia y el desemplegu agravaron problemes estructurales d'inequidá y d'esclusión, sobre manera nes zones rurales, poniendo a millones de personnes más nuna situación de probitú o de probitú estrema; Colombia ye dende hai décades, según la CEPAL, el segundu país más desigual d'América Llatina.

Precisamente llevar l'Estáu Social y l'Estáu de Drechu a les rexones abandonaes pol Estáu ye'l nucleu del Alcuerdu de Paz quel gobiernu del presidente IVÁN DUQUE ta evadiendo.

La delegación asturiana recibió una denuncia escontra un altu cargu de la Oficina de les Naciones Xuníes Escontra



Numberosos murales cunten la hestoria de la comunidá de paz desan José Apartadó.

la Drogña y el Delitu, UNODC, con sé en Bogotá, según la cual: “La información personal de miles de families acoyíes al Programa Nacional de Sustitución de Cultivos d’Usu Ilícitu, PNIS, taría siendo usada pola fuercia pública pa realizar xeres de desañiciu ensin consentimientu de los llabradore, esto con plena collaboración de la Oficina. Les evidencies que lo indiquen son múltiples, ente estes: 1. La coincidencia ente captures y caracterización en marcu del programa PNIS. 2. Declaraciones de técnicos locales que manifiesten que la UNODC-yos ordenó llevar tan con GPS lotes con coca anque estos nun tuvieron acoyíos al programa. 3. Declaraciones de

Pierre Lapaque, representante de la UNODC en Colombia, n’apoyu del desañiciu forciáu. 4. Contratos ente la UNODC y el Ministeriu de Xusticia, nos que la UNODC reorienta les intervenciones de desañiciu forciáu, nel marcu del programa SIMCI (Sistema Integráu de Monitoréu de Cultivos Ilícitos). 5. Documentos oficiales de la UNODC muestren que la información del PNIS y Families Guardabosques intégrase nel SIMCI. 6. La información consiguida nel PNIS por UNODC diose per mediación d’operadores locales, que nun tenién conocimientu de que la información que consiguén nel campu diba tener un usu militar”.

I. ATAQUES A LA DIRIXENCIA SOCIAL, PERSISTENCIA DEL PARAMILITARISMO

“2021 foi l'empiezu d'añu más violentu en términos de masacres, enfrentamientos armaos y amenaces de muerte a líderes sociales, dende la firma del Alcuerdu de Paz. Esta ye la principal conclusión a la que llegó'l monitoréu de riesgos de seguridá qu'ellabora la Unidá d'Investigación y Acusación de la XEP, que fai siguimientu permanente a los riesgos que puedan torgar la participación efectiva de les víctimes, de les organizaciones defensores de Derechos Humanos y de los comparecientes nos procesos que realiza la Xurisdicción” (XEP 2021, páz. 1).¹⁹

A pesar del incrementu de les agresiones mortales que punxeron a Colombia a la cabeza mundial nel asesinatu de personas defensores de los derechos humanos y del mediu ambiente, el gobiernu d'IVÁN DUQUE decidió –por decretu– n'avientu del 2021 debilitar entovía más el sistema de protección a personas amenazaes de muerte.

Human Rights Watch alvierte qu'el decretu limita la información pa tomar decisiones sobre a quién protexer, socava la transparencia, aumenta dalgunos requisitos ilegales y reduz les midíes de protección colectiva. “L'efectu más grave ye qu'en Colombia, que ye'l país d'América Llatina onde más líderes sociales asesinaron nos últimos años, va

a haber más líderes amenazaos ensin protección por causa d'esta decisión”.²⁰

Nel 2021 fueron asesinaes 171 personnes de la dirixencia social, de les que 27 yeren mujeres. Estos crímenes cometiéronse en 11 conceyos de 25 departamentos.²¹

Les cifres de personnes de la dirixencia social asesinaes dende la firma de los Alcuerdos de Paz ye de 1.286, d'elles 888 durante'l gobiernu d'IVÁN DUQUE (2018-2022).²²

La Defensoría del Puelu emitió Alertes Tempranos en muchos casos qu'acabaron n'asesinatos y masacres, pero les sos alvertencies nun tienen fuerzia vinculante énte les autoridaes civiles y militares.

L'asesinatu de miles de personnes de la dirixencia social colombiano nos últimos trenta años, ye una acción sistemática que pretende eliminar les organizaciones sociales independientes de los centros de poder y paralizar por mieu a les comunidaes. Estes personnes son persiguíes por impulsar aiciones llexítimes de construcción del texíu social necesario pa satisfacer drechos colectivos y necesidaes básiques de les personnes.

La interpelación al establecimientu que lleven implícites les sos actividaes y la representación que les comunidaes vos otorguen resulten inalmisibles pa los que determinen asesinalos pa xenerar un impautu que paralice por mieu les aiciones d'autoxestión o de reivindicación colectiva.

Pol calter de dirixentes sociales, pol altu número de víctimes, pola persistencia nel tiempu de les agresiones y pola presencia de los ataques en gran parte de les rexones del país, asina como por otros patrones comunes en miles d'agresiones y pola impunidá que les abelluga, nun son coincidencies, son actos planificaos que constituyen críme-

19 <https://www.XEP.gov.co/Sala-de-Prensa/Paginas/XEP-alerta-que-el-2021-ha-sido-el-inicio-de-a%C3%B1o-m%C3%A1s-violento-dende-la-Firma-del-Alcuerdo-de-Paz.aspx#:~:text=Bolet%C3%ADn%2C2026%20de%20enero%20de,firma%20del%20Acuerdo%20de%20Paz.>

20 <https://elpais.com/internacional/2021-12-10/human-rights-watch-advierte-de-que-el-gobierno-debilita-la-proteccion-de-los-lideres-sociales-en-colombia.html>

21 Ibidem.

22 Ib.

nes escontra la humanidá a la lluz del artículu 7 del Estatuto de Roma de la Corte Penal Internacional.

Son ataques sistemáticos, non solo persistentes, como los calificó l'informe del añu pasáu de la OACNXD.

Esta conducta criminal na enorme mayoría de los casos queda impune porque nun s'investiga, o nun se condena, o condérgase namás a autores materiales, pero nunca a los autores intelectuales. Ta tipificada nel artículu 101 del Códigu Penal Colombianu: “Xenocidiu. El que col propósitu de destruyir total o parcialmente un grupu nacional, étnicu, racial, relixosu o políticu, por razón de la so pertenencia al mesmu, ocasionare la muerte de los sos integrantes, incurrá en prisión”.

L'antecedente de la responsabilidá del Estáu colombianu n'actos constitutivos de xenocidiu ye l'esterminiu del partíu políticu Unión Patriótica. “Col estigma de tener vínculos con una insurxencia, la omisión de los axentes estatales y l'auxe del actuar de los grupos paramilitares, los integrantes de la Unión Patriótica convirtiéronse rápidamente nel blancu d'una serie d'ataques estructuraos. Ente mayu del 1984 y avientu del 2002, l'Observatoriu de Memoria y Conflictu del CNMH documentó 4.153 víctimes de la Unión Patriótica que fueron asesinaes, desapaecíes o secuestraes” (Centru Nacional de Memoria Hestórica, 2018, p. 108).

La Comisión Interamericana de Derechos Humanos almitió'l casu colectivu nº. 11.227, que presentaron la dirección nacional de la UP, la Corporación Reiniciar y la Comisión Colombiana de Xuristes. Nel so informe d'almisión del 12 de marzu del 1997 la CIDH señaló: “Los fechos alegaos polos peticionarios esponen una situación que comparte munches características col fenómenu de xenocidiu y podría entendese que sí lu constitúin, interpretando esti términu acordies col so usu corriente”. Fueron asesinatos políticos planificaos por axentes del Estáu y grupos paramilitares pa eliminar físicamente al partíu y dilar la so fuerzia política. “Los peticionarios axuntaron a la so

petición una llista de 1.163 integrantes de la Unión Patriótica que fueron executaos estraxudicialmente ente 1985 y 1993. Presentaron, tamién, una llista de 123 personnes que fueron desapaecíes pola fuerzia, otra de 43 personnes que sobrevivieron a atentaos d'asesinatu y de 225 personnes que recibieron amenaces nel mesmu periodu (parágrafos 24 y 25)”.²³

“El xenocidiu escontra'l partíu colombianu d'esquierda Unión Patriótica (UP), que costó la vida a dos candidatos presidenciales, dexó 5.733 víctimes, de les que 4.616 fueron asesinaes y 1.117 desapaecíes, reveló esti viernes la Xurisdicción Especial pa la Paz (XEP). La violencia escontra integrantes d'esti partíu exerciéronla principalmente “paramilitares y axentes estatales, qu'actuaron de manera masiva, xeneralizada, sistemática y selectiva escontra esta colectividá”, segúن consideró la XEP, qu'estudia'l xenocidiu escontra la UP nel ‘Casu 06’”.²⁴

El gobiernu colombianu nun tien interés en protexer de manera efectiva a la dirixencia social, que sigue siendo asesinada. Tampoco muestra respetu nin interés por reconocer y protexer a les organizaciones sociales más allá del discursu, pero na práctica dan-yos el tratu d'enemigos de la democracia y de les instituciones.

El paramilitarismu espardióse per tol país cola complicidá de la fuerzia pública y de manera prioritaria nos territorios que dexaron les FARC tres la so desmovilización y entrega de les armes a la ONX. En tolos territorios visitaos recibimos denuncies de la presencia conxunta de fuerzia pública y grupos paramilitares cuidando intereses del narcotráficu y de les multinacionales.

“El Clan del Golfo ta en Quibdó y les goteres de Quibdó: n'Ichó, en Neguá, en Bojayá, Mediu Atrato, en Vigía del Fuerte, n'Acandí, n'Ungía, en Riosucio, en Carmen del Darién. Ye una custión sistemática. Entós, si hai

23 <https://www.corteidh.or.cr/tablas/r24797.pdf>

24 <https://www.rtve.es/noticias/20220422/genocidio-up-colombia-dejo-4616-asesinados-1117-desaparecidos/2337480.shtml>



Defensores de Derechos Humanos en Tibú, rexón del Catatumbo.

cinco mil efectivos de la Fuerza de Xera Conxunta Titán, ¿cómo ye que llegó'l Clan del Golfu? Si solo fueran dos o tres conceyos, vaya y venga, pero tán nes comunidaes, tien qu'haber daquién qu'investigue".²⁵

Esta realidá denunciada por les organizaciones sociales en toles rexones visitaes afecta la credibilidá de les instituciones y xenera un vacíu qu'enllenen los grupos armaos illegales, estendiendo'l control per aciu del mieu sobre les poblaciones rurales y en barrios marxinaos de les ciudaes.

25 <https://www.elespectador.com/colombia-20/conflicto/iglesia-catolica-denuncia-vinculos-del-estado-con-paramilitares-en-choco/>

"En menos de 24 hores, na capital del departamentu de Córdoba, cometíeronse cuatro (4) homicidios. No que va del mes de febreru la cifra asciende a diez (10) crímenes, ataques de sicarios. El más reciente asocedió na tarde d'esti miércoles 9 de febreru nel barriu 6 de marzu. Esta fola sangrienta, qu'enlluta al departamentu de Córdoba, podría tar presentándose énte disputes pol control territorial de les rentes y/o economíes ilícites ente'l bloque 'Central Urabá' cola operación criminal del frente 'Carlos Yépes' VS el bloque 'Roberto Vargas Gutiérrez' mediante la operación criminal del frente 'Javier Yépes Quintero', dambes estructures pertenecientes al 'Clan del Golfu', autodenomináu: 'Autodefenses Gaitanistes de Colombia, AGC', esto debío a que tres la captura o entrega del xefe máximo d'esa organización criminal, 'Otoniel', ocurrida'l 23 d'ochobre del 2021, conozse que nel interior de dicha organización criminal hai una disputa pola xefatura y mandu de la mesma. Per otru llau, conozse qu'el Grupu Armáu Organizáu (GAO) 'Clan del Golfu', autodenomináu 'Autodefenses Gaitanistes de Colombia, AGC', entamó una 'llimpieza social' nel departamentu de Córdoba, n'igual forma o en paralelo una especie de 'áxuste de cuentas'. Cualquiera que sia la situación, la fola sangrienta que baña al departamentu de Córdoba tien d'aparar yá, ye una completa hipérbole qu'el Gobiernu Nacional, en cabeza del presidente Iván Duque, diga con rimbombantes pallabres que la captura de 'Otoniel' ye un güelpa duru a esa estructura criminal, cuando nos departamentos como Córdoba y conceyos como Tierralta, qu'en díes pasao asesinaron a dos homes en menos de 24 hores, delantre de la comunidá, con manes ataes a la espalda y lletreros, como antes facién les 'Autodefenses Auníes de Colombia, AUC', se siga acribillando a sangre frío".²⁶

26 Fundación Social CORDOBERXIA. Comunicáu de denuncia del 2 de febreru del 2022 "No cesa la ola sangrienta nel departamentu de Córdoba".



El grupu paramilitar Clan del Golfo tomó'l departamentu de Sucre y la rexón de los Montes de María, a pesar de la presencia masiva de policía, exércitu ya infantería de marina.

Na mayoría de conceyos de Sucre esti grupu y les bandes asociaes, metanes el control militar y policial, mueven armamentu de llargu algame, recluten neños/es y adultos pa la estructura paramilitar y pal microtráficu; conformaron una rede d'informantes qu'aumenta la fragmentación social y el mieu, establecieron redes d'estorsión, faen retenciones de personnes, amenacen, esllariguen y asesinen con impunidá.l

La presencia de los paramilitares n'éguelna les autoridaes civiles y militares, pero, a la lluz del día, exercen control social, imponen toques de queda y l'asistencia obligatoria a les sos reuniones, p'aumentar el terror.

En Montes de María los paramilitares exercen el control social y territorial armáu nos siguientes sitios:

“Chalán: La Ceiba, Joney y Desbarrancado.

Tolúviejo: Varsovia, Caracol, Las Piedras, Macaján y Cañito.

Colosó: Cerro, Mico, Chinulito, Aguacate, Bajo Don Juan.

Morroa: Sabaneta, Arenal, Oriente y Pichilín.

San Onofre: Zona Norte, Zona Playa, Berrugas, Alto de Julio, Chichimán, Las Brisas, Labarcé, Palmira La Negra. Nel cascu urbanu son constantes los patrullaxes n'hores del alborecer.

Los Palmitos: El Piñal, El Triunfo, Santa Rosa, Sabanas de Beltrán, La Unión, Palma Sola, Bajo Lata, El

Charco, Pueblo Nuevo, Sabanas de Pedro Palmas de Vino, Moralito, Porvenir y Naranjal.

Ovejas: El Tesoro, Chengue, Salitral, Los Números, Don Gabriel, Buenos Aires, Almagra, El Zapato, Pijiguay, Miramar, El Palmar, Pedregal, Damasco, La Peña, Flor del Monte, San Rafael, Canutal, Canutalito, tamién patrullaxes nel cascu urbanu nos barrios Ciudadela de la Paz, Calle Nueva.

Córdoba (Bolívar): Guaimaral, San Andrés, La Sierra, Tacamocho, Tacamochito, Pueblo Nuevo, Las Marías.

El Carmen de Bolívar: Macayepo, San Carlos, San Isidro, Huamanga, El Hobo, Malanoche, Tierra Grata, Santo Domingo de Mesa, Centro Alegre, Berruguitas, Hatonuevo y les sos respectives collaciones.

Maríalabaja: Matuya, San José del Playón, Mampuján Retiro Nuevo, San Pablo, Níspero El Sena, Nueva Florida, Colu y Guarismo. Dientro del cascu urbanu preséntense alteraciones d'orde público: disparos a altes hores de la nueche y microtráfico, especialmente nos barrios Puerto Santander, Bellavista, Chumbum.

Zambrano: Capaca, La Florida, Jesús del Río, Mula, La Esperanza, Guasimal y el Kilometro Uno (1).

El Guamo: Nerviti, Tasajera y Robles.

San Jacinto: Patio Grande, La Puente, Arena y Paraíso.

San Juan Nepomuceno: San José del Peñón y Haya²⁷.

En Colombia van n'aumentu les acusaciones, estigmatizaciones y amenaces de muerte escontra personas de la dirixencia social, en munchos casos por axentes del Estáu o cola so tolerancia, cola fin de xenerar temor y silenciales. En dalgunos casos l'estigma ye previu a agresiones mortales.

“Les organizaciones qu'integramos el Cume Agrariu, Llabriegu, Étnicu y Popular, CACEP, alertamos sobre l'incrementu d'agresiones escontra expresiones del movi-



mientu políticu, social y popular colombianu que, pola so sistematicidá y permanencia, constitúin práctiques xenocides. Denunciamos les temeraries, irresponsables ya inxustes declaraciones que contienen graves acusaciones, estigmatizaciones y amenaces, que pretenden llexitimiar detenciones arbitrarias, homicidios, desapaiciones forciaes y tortures cometíos escontra docentes, sindicalistes, llabradores, indíxenes, afrodescendientes, estudiantes, xóvenes y sectores populares pertenecientes a organizaciones, procesos y comunidaes que formen parte del CNP”.²⁸

Una fonte reciente de riesgu pa defensores drechos humanos ye l'apoyu social a los programes gubernamentales de sustitución de cultivos d'usu ilícitu. El gobiernu ta dexando soles énte'l peligru a les personas qu'acompañen la llucha escontra'l narcotráficu.

Cinco personas de la dirixencia social colombiano amenazaes de muerte fueron acoyíes nel 2022 pol Programa Asturianu d'Atención a Víctimes de la Violencia en Colombia:

27 “Los Montes de María. Incertidumbre, miedo, amenazas y sometimiento...” Comunicáu del Conseyu Territorial de Paz de los Montes de María, marzu del 2022.

28 Comunicáu “Crítica situación de derechos humanos”. Cume Agrariu, Llabriegu, Étnicu y Popular, CACEP, 31 de marzu del 2022.

ADRIANA LIZARAZO, abogada, defensora de los derechos humanos, coordinadora del Comité de Solidaridad con Presos Políticos sección Santander, organización integrante de la Rede SOS-Tortura de la Organización Mundial Escontra la Tortura, OMCT. Ye portavoz del Nodu Nororiente de la Coordinación Colombia-Europa-Estaos Xuníos (CCEEU). Pol so llabor en defensa de los derechos humanos dientro les alcárcelles y en rexones del departamento de Santander amenazáronla de muerte y declararonla oxetivu militar del grupu paramilitar Autodefenses Gaitanistes de Colombia AGC.

YURI SIRLENY QUINTERO, cabezalera social na Mesa Rexonal de Organizaciones Sociales del Putumayo y del Sindicatu de Trabayadores Llabriegos del Gordón Fronterizu del Putumayo; directiva de la Federación Nacional Sindical Unitaria Agropecuaria, FENSUAGRO-CUT, defensora de los derechos humanos na rexón sur del área andino-amazónica; integrante de la Coordinadora de la Rede de Derechos Humanos del Putumayo, Piamonte Cauca y Cofanía Jardines de Sucumbíos, Ipiales (Nariño). Foi diputada na asamblea departamental del Putumayo. Ye víctima d'acusaciones, acosos y de varies amenaces de muerte proferíes polos grupos paramilitares Águiles Negres-Bloque Sur (Putumayo) y pol Comandu de la Frontera, qu'anunció'l pagu d'una suma a quien la asesine.

CÉSAR ARIAS CARREÑO, defensor de los derechos humanos, integrante del Comité Permanente pola Defensa de los Derechos Humanos capítulo Norte de Santander; cabezalera social y comunitaria na ciudá de Cúcuta; dirigente de l'Asociación Colombiana d'Estudiantes Universitarios, ACEU; voceru de los estudiantes na Universidá Francisco de Paula Santander.Ta recibiendo amenaces de muerte de los grupos paramilitares.

JONATHAN CUÉLLAR RAMÍREZ, médicu vetrinariu y defensor de derechos humanos na Rede de Derechos Humanos del Putumayo, baxa Bota Caucana, Cofanía-Jardines de Sucumbíos-Ipiales (Nariño). Dirixente de

l'Asociación Municipal de Trabayadores Llabriegos de Piamonte Cauca, ASIMTRACAMPIC; integrante de la Xunta Directiva Nacional de la Federación Nacional Sindical Unitaria Agropecuaria, FENSUAGRO-CUT; impulsor de la Zona de Reserva Llabriega de los conceyos de Piamonte, San José y Curillo. Defende la selva y la economía llabrador nuna rexón na que los carteles y los sos grupos paramilitares tán imponiendo semar coca. Ye víctima de siguimientos ilegales, acosos con esplosivos, amenaces de muerte y retenciones ilegales en vías públiques.

ELIECER ARIAS ARIAS, ye cabezalera social indíxena; integrante de la organización Fíos y Fíes pola Memoria y Escontra la Impunidá; integrante del Movimientu Nacional de Víctimes de Crímenes d'Estáu, MOVICE. Ta en riesgu por defender los derechos de les víctimes y polos siguimientos y el patrullaxe de grupos armaos ilegales nel resguardu indíxena y nos alredores del so llugar de residencia. El puelu kankuamu tien una situación d'alta vulnerabilidad reconocida pol Estáu.

A la cabezalera **MAYDANY SALCEDO**, d'ASITRACAMPIC, obligaronla a esllarigase por amenaces de muerte proferíes polos grupos narco-paramilitares que tomaron Piamonte y les sos zones rurales col consentimientu de les autoridaes locales, que nun actúen pa protexer a la dirixencia llabriego y a les families afiliaes al sindicatu llabrador.

Lasesinatu del dirixente llabriego y presidente de la Federación Agrominera del Sur de Bolívar ya interlocutor del gobiernu, TEÓFILO ACUÑA y de JORGE TAFUR, en Puerto Oculto, conceyu de San Martín (Cesar), el 22 de febreru del 2022, tevo precediu de denuncias nes que TEÓFILO declaró –cuatro díes antes del crime– amenaces de muerte proferíes pola fuerzia pública y pola alcaldía de San Martín. Los dos yeran voceros de la Comisión d'Interlocución del Sur de Bolívar, Centro y Sur del Cesar, Sur del Magdalena y Procesos de los Santanderes (CISB-CSC) y formaben parte del Coordinador Nacional Agrariu (CNA) y del Congresu de los Pueblos.



Cola dirixencia social frente a la sede de les organizaciones volada con esplosivos en xineru. Saravena (Arauca).

La persecución escontra Teófilo incluyía un procesu xudicial pol supuestu delitu de "rebelión", xunto colos defensores de la tierra y les comunidaes llabradores Robert Daza y Adelso Gallo.

Ye mui grave qu'axentes del Estáu señalaron a TEÓFILO poniéndolu n'altu riesgu rellacionáu cola so muerte. "N'avientu del 2020 la fiscalía y policía espublizaron un cartel nel qu'indicaben que Teófilo Acuña formaba parte de la conducción de mases pa la rebelión, ensin qu'esa acusación fuere probada en xuiciu. Púnxose-y una llábana en pechu, señalóselu nacional y rexonalmente", indicó Yepes. "Nun hai duda de qu'hai un venceyu direutu ente les acusaciones de les autoridaes y el desenllaç fatal de los líderes".²⁹

29 <https://www.elespectador.com/colombia/mas-regiones/denuncian-responsabilidad-del-estado-en-asesinatos-de-teofilo-acuna-y-jorge-tafur/>

La llibertá de movilización restrinxóse tovía más. "Nel marcu de la sanción presidencial de la Llei 2.197 del 25 de xineru del 2022 per aciu de la que se dicten normes tendentes al fortalecimientu de la seguridá ciudadana y se dicten otres disposiciones, consideramos qu'esta llei cuenta con evidentes vicios constitucionales de forma y de fondo, qu'affecta a drechos fundamentales, como la vida y la integridá personal, criminaliza'l drechu a la protesta social amás d'affectala nel sen de desconocer la identidá cultural de comunidaes y pueblos llabriegos, indíxenes y afrodescendientes al prohibir elementos propios de la so cultura n'espacios de movilización. Polo qu'anunciamos que vamos llanzar aiciones polítiques y jurídiques unitaries refugando esta llei que pon en riesgu la democracia colombiana".³⁰

30 Comunicáu "Crítica situación de derechos humanos". Cume Agrariu, Llabriegu, Étnicu y Popular, CACEP, 31 de marzu del 2022.

La llibertá de prensa ta atacada. La Fundación pa la Llibertá de Prensa, FLIP, rexistró 575 ataques, incluyendo 168 agresiones, 172 amenaces, 57 estorbises al trabayu periodísticu y 65 casos d'acosu.³¹

2. EXECUCIONES ESTRAXUDICIALES Y MASACRES

Polo menos 6.402 personas fueron asesinaes pol Exércitu Nacional y presentaes como “guerrilleros daos de baxa en combate” durante los dos gobiernos –2002-2010– del ex-presidente ÁLVARO URIBE VÉLEZ, impulsor d’una política de guerra a la insurrección a la que llamó “seguridá democrática”, que premiaba con ascensos, dineru y vacaciones a los militares que dieran resultaos operacionales en términos de muertos.

Anque los diferentes gobiernos y l’altu mandu militar negaron esa práctica, la llucha escontra la impunidá de los familiares llogró que, dientro de la Xurisdicción Especial pa la Paz, XEP, tean compareciendo oficiales, suboficiales y soldaos del Exércitu Nacional pa cuntar la verdá d’estes ejecuciones estraxudiciales llamaes en Colombia “falsos positivos”.

Dalgunos militares vinieron reconociendo la so responsabilidá en crímenes escontra la humanidá, como les ejecuciones estraxudiciales, empara de reducciones na pena d’alcárcel y pa evitar la competencia de la Corte Penal Internacional.

El cabu retiráu del exércitu NÉSTOR GUILLERMO GUTIÉRREZ esplicó nuna audiencia de la XEP, delantre familiares de personas executaes, que: “Había una presión, esixiéndonos dar resultaos, había que buscar resultaos como fuera y teníamos contautu con grupos de paramilitares de la rexón, sobre too d’Aguachica, pa consiguir armes”. Re-

conoció la so participación y añadió: “ arrampuñé-yos la ilusión a los sos fíos, esgarré-yos el corazón a les sos madres por una presión d’unos falsos resultaos, por tener contentu a un gobiernu. Nun ye xusto, nun ye xusto”.

Otros militares del exércitu, como'l xeneral PAULINO CORONADO, reconocieron la responsabilidá del exércitu en crímenes de guerra. El capitán retiráu Rivera Jácome espresó que: “acudo cola fin de reconocer la mio responsabilidá como máximo responsable a título de coautor por crímenes de guerra y escontra la humanidá”³²

Les ejecuciones estraxudiciales fueron el resultáu d’una política d’Estáu, como lo veníen denunciando les families, les organizaciones de drechos humanos y la delegación asturiana dende'l 2005.

Estos crímenes graves siguen ocurriendo.

Tropes del Exércitu Nacional asesinaron a once (11) personas el llunes 28 de marzu na collación Alto Remanso, del conceyu de Puerto Leguízamo (Putumayo). Solo cinco díes dempués llegó una comisión de la Fiscalía, dando tiempu a les tropes pa manipular la escena de los fechos, según les organizaciones de drechos humanos locales.

Pal Ministru de Defensa de Colombia, Sr. DIEGO MOLANO APONTE: “La operación nun yera escontra los llabradores, sinón escontra los disidentes de les FARC. Nun foi escontra indíxenes inocentes, sinón escontra narcotraficantes”.

La Rede de Drechos Humanos del Putumayo precisó que nun yeren “blancos llexítimos”, sinón llabradores ya indíxenes que participaben nuna actividá comunitaria pa recoyer recursos y solucionar problemes orixinaos na falta d’ inversión social del gobiernu d’IVÁN DUQUE. Amás, les tropes cometieron otros ataques graves a los drechos humanos, como'l maltratu físicu y sicolóxicu a la comunidá, el confinamientu, los allanamientos ilegales, la estig-

31 <https://flip.org.co/index.php/es/atencion-a-periodistas/mapa-de-agresiones>.

32 <https://www.colombia.com/actualidad/nacionales/varios-exmilitares-reconocieron-su-responsabilidad-en-falsos-positivos-en-el-catatumbo-349026>



matización y l'esllarigamientu masivu de polo menos cien families y el furtu poles tropes de bienes de la comunidá y personales.

Les declaraciones del ministru intenten evitar que les families de les víctimes y la sociedá nacional ya internacional conozan la verdá.

Les organizaciones sociales esixeron xusticia y la destitución de los militares involucraos y la del xeneral EDGAR ALBERTO RODRÍGUEZ SÁNCHEZ por difundir versiones falses nesti casu y polos sos antecedentes n'execuciones estraxudiciales n'otres rexones del país.

3. POBLACIÓN EN SITUACIÓN D'ESLLARIGAMIENTU

Nel 2021 les aiciones violentes de los grupos armaos aumentaron los casos d'esllarigamientu forciáu y confinamiento. Cerca de 80.000 personas fueron obligaes a esllarigase, trés vegaes más que l'añu anterior. Tamién aumentaron los casos de confinamiento y de restricciones graves a la movilidá de personas, sobre too de los pueblos indíxenes y de les comunidaes negres.

L'asesinatu de personnes de la dirixencia social tien un impautu mui importante sobre les comunidaes que representaben, incluyíu l'esllarigamientu forciáu, como ye'l casu del asesinatu de guardies indíxenes nel Baxu Baudó (Chocó), o l'asesinatu del representante ilegal del Conseyu Comunitariu Afro del conceyu de Roberto Payán (Nariño), que xeneró l'esllarigamientu de la dirixencia étnica de la rexón.

4. PERSONES PRIVADES DE LA LIBERTÁ. TORTURA, TRATU CRUEL, INHUMANU O DEGRADANTE

La situación que viven más de 12.000 personnes privaes de la llibertá en Colombia ye abiertamente inconstitucional dende hai varios años. Asina lo declaró la Corte Constitucional nes Sentencies T-388 del 2013 y T-762 del 2015.

Hai niveles altos d'apetiguñamientu nes alcárceles y nos centros de detención transitoria.

En nengún centru de detención se garantiza'l suministro d'alimentación en condiciones, agua potable, accesu a la salú, lletricidá, telefonía y servicios sanitarios.

Son frecuentes les denuncies por tratu cruel, inhumano y degradante, violencia y abusos sexuales, usu desproporcionáu de la fuerzia, la tortura, l'aisllamientu por periodos llargos y l'usu d'armes de fueu escontra les personnes que reclamen drechos dientro de les alcárceles, como asocedió con deteníos por protestar en medio de la pandemia n'alcárceles de Bogotá, Popayán y Cúcuta.³³

³³ [tps://www.comitedesolidaridad.com/sites/default/files/Tortura%20y%20malos%20tratos%20en%20las%20c%C3%A1rcel%20colombianas.pdf](https://www.comitedesolidaridad.com/sites/default/files/Tortura%20y%20malos%20tratos%20en%20las%20c%C3%A1rcel%20colombianas.pdf)

5. MUYERES, INFANCIA, MOCEDÁ, VÍCTIMES, POBLACIÓN LGBTI

Constituí un avance de los drechos de les mujeres la Sentencia C-055 de febreru del 2022 na que la Corte Constitucional despenaliza l'albuertu hasta les 24 selmanes de xestación. “Primero. Declarar la POSIBILIDÁ CONDICIONADA del artículu 122 de la Llei 599 de 2000 “per mediu de la que s'espide'l Códigu Penal”, nel sen de que la conducta d'albortar ellí prevista solo sedrá punible cuando se realice dempués de la vixésimo cuarta (24) selmana de xestación y, en tou casu, esti límite temporal nun sedrá aplicable a los trés supuestos nos que la Sentencia C-355 de 2006 dispunxo que nun s'incurre en delitu d'albuertu, esto ye: “(i) Cuando la continuación del embaranzu constituya peligru pa la vida o la salú de la mujer, certificada por un médicu; (ii) Cuando esista malformación grave del fetu que faiga inviable la so vida, certificada por un médicu; y, (iii) Cuando l'embaranzu síal resultáu d'una conducta, debidamente denunciada, constitutiva d'accusu carnal o actu sexual ensin consentimientu, abusivu o d'inseminación artificial o tresferencia d'óvulu fecundáu non consentíes, o d'incestu”.³⁴

Recibimos dende les organizaciones sociales y de mujeres informes mui graves d'un aumentu significativu de les violencies escontra les mujeres en toles rexones visitaes.

Les dinámiques de probitú y desigualdá, agudizáes pola pandemia COVID19, que mermaron les yá fráxiles económies familiares sosteníes de manera informal, l'incrementu de la crisis migratoria nos últimos años, tratándose na so mayoría de territorios de frontera, y l'aumentu de la presencia y reconfiguración de grupos armaos nestes rexones, con un aumentu de la escalada

³⁴ <https://www.corteconstitucional.gov.co/comunicados/Comunicado%20de%20prensa%20Sentencia%20C-055-22%20Febrero%202021-22.pdf>

de violencia, tán afectando gravemente a la población y, específicamente, a les mujeres.

Exemplu de la vida en territorios marcaos pola presencia de grupos armaos alcontrémoslu na visita al resguardu indíxena Barí, onde mos informen qu'el territoriu ta mináu. Fuera del resguardu, no que se conoz como les Árees de Pretensión, entamáronse aiciones de desmináu, non asina nel resguardu, col consiguiente riesgu real pa la integridá física de la población, fundamentalmente, como mos dicen, de les mujeres, que son les que faen los llabores de recocida y les más espuestes.

La cultura machista y patriarcal denúnciase dende les organizaciones, informando de feminicidios, desapaiciones y agresiones sexuales escontra mujeres, dalgunes denunciaes a la fuerzia pública, otres silenciaes pol estigma y/o pola desconfianza hacia les instituciones.

Nel Norte Santander, Arauca y Cauca denuncien l'aumentu de la trata de mujeres y neñes con fines d'esplotación sexual, incentivada pola situación estratéxica d'estos departamentos allugaos nes fronteres con Venezuela y Ecuador.

Toles organizaciones manifiesten una ausencia absoluta de la institucionalidá pública nel siguimientu, acompañamientu ya investigación de les denuncies sobre casos de violencia machista y tamién la falta de recursos pa les víctimes.

Hai invisibilidá de la violencia y agresiones sexuales a neñes y xóvenes nel entornu familiar y cercanu, socializando casos d'agresiones sexuales a menores realizaes por homes de la propia familia o del entornu.

En nengún casu esisten ferramientos institucionales d'acompañamientu a les mujeres víctimes d'esti tipu de violencies.

Recibimos denuncies de fuertes acosos y violencies escontra'l colectivu LGTBIQ+ y les mujeres trans, ensin llexislación nin apoyos institucionales pa la visibilización y la protección de les persones d'estos colectivos.

Referente a la situación de les mujeres nel marcu del conflictu armáu, con tola complexidá y especificidá de cada rexón, les organizaciones destacaen:

- El cuerpu de les mujeres como campu de batalla: les mujeres son agredíes sexualmente como forma d'amedranar o desmoralizar al adversariu.

- Control social y estigmatización: infórmase dende'l CPDH capítulu Norte Santander d'un aumentu de casos d'usu de les mujeres como "informantes" (fundamentalmente pola fuerzia pública, que se presenta en muchos caños en forma de fundaciones, sobre too medioambientales), a traviés del engaño y desconociéndolo elles, lo qu'acaba provocando'l refugiu del restu de la comunidá a una situación que nun foi xenerada voluntariamente.

Cuestiónase-yos a les mujeres les rellaciones qu'entamen, más si se trata d'homes de la fuerzia pública, siendo igualmente aisllaes pol entornu.

En dalgunos casos hai un fuerte control social, que pretende imponer a les mujeres el desarrollu n'esclusiva de les xeres que se-yos asignaron a traviés del xéneru.

- Aumentu grave de les redes de trata de mujeres con fines d'esplotación sexual nes fronteres y aumentu del allistamiento forciáu de neños, neñes y adolescentes, bien pa la so inclusión en grupos armaos ilegaless (neños) o pal trabayu forciáu en cultivos d'usu ilícitu (neños y aumentu del allistamiento de neñes). Son les mujeres, madres na so mayoría, les qu'oponen mayor resistencia, con denuncias a instituciones y tamién polos sos propios medios a estos allistamientos, col consiguiente señalamientu y amenaza a la so integridá.

- Amenaces, persecución, desapaiciones y asesinatos de cabezaleros sociales. El lideralgu de les mujeres ta siendo reprimiu fuertemente. Nun contestu de violencia armada, munches d'estes mujeres, vilbes o soles pol exiliu de les pareyes, exercen lideralgos y, al tiempu, sostienen a la familia, ensin apoyu dalu. Les mujeres nun suelen dexar a les families soles, pues na so mayoría dependen económica-



camente d'elles, polo que se convierten nun blancu fácil al nun s'exiliar.

Les mujeres organizaes y cabezaleres tán siendo aco-saes, amenazaes y asesinaes pues tán texendo redes d'apoyu mutuu pa suprir les carencias d'un Estáu que nun-yos ofrez les garantíes pa una vida digna nin tampoco de seguridá y protección, cuando ye'l casu.

Nos territorios altamente militarizaos, les mujeres sufren tou tipu de violencies por parte de los actores armaos; tán sufriendo alta estigmatización social y política polos sos trabayos organizativos y de lideralgu social; la prevención de la violencia escontra les mujeres o la promoción de los derechos sexuales y reproductivos, son inesistentes.

Munches mujeres cabezaleres alcuéntrense fuera de los sos territorios al tar amenazaes polos sos trabayos n'organizaciones sociales, sindicales o llabriegues, y sufren

una alta estigmatización social cuando faen denuncies públiques de la so situación, de les desapaiciones forciaes y d'otros ataques a los drechos humanos nos territorios.

"Soy líder de la organización de mujeres barí, somos munches, tamos en 23 comunidaes de cinco conceyos. Se cuestraronme paramilitares que m'acusaron d'ayudar a la guerrilla. Llevaronme nueve díes, robaronme los alimentos de los niños que yo curiaba. Sobreviví a una masacre al cayer debaxo d'otres personas que murieron. Nun denunciamos por mieu".³⁵

Constatamos la invisibilización de les mujeres nos escenarios de participación política, con representación escasa de les mujeres nes elecciones de marzu del 2022 y anteriores.

35 Audiencia col puelu indíxena barí, 6 de marzu del 2022.



Andrés Narváez vuelve cantar a la delegación astur.

A la infancia afectó'l piesllu de centros educativos na pandemia, lo qu'escluyó del drechu a la educación a los segmentos más probes de la población; el 79% d'ellos nun tiene accesu a internet pa recibir clases virtuales.

Los grupos armaos siguieron cola práctica impune del allistamiento de neños y nefíes pa la guerra y pa otros acto-vidaes criminales.

“L'allistamiento forciáu, l'usu de menores d'edá poles organizaciones criminales socesores del paramilitarismu y les sos redes d'apoyu ye'l pan de cada día nel Sur de Córdoba.

N'abril del 2021 la Defensoría del Pueblo emitió l'informe nacional: *Reclutamiento forzado, uso y utilización de niños, niñas y adolescentes en Colombia*. Nesi informe recueye nel departamentu de Córdoba'l ‘mapa sobre riesgu por allistamiento y usu ilícitu de neños, nefíos, adolescentes y mochedá NNAM’. Les/os menores d'edá, especialmente nel sur de Córdoba son el ‘caldu de cultivu’ y los ‘coneyinos d'indies’ de les denominaes ‘organizaciones criminales socesores del paramilitarismu y les sos redes d'apoyu’, que nel nuesu departamentu tienen control totalitariu mediante les autode-

nominaes Autodefenses Gaitanistes de Colombia, AGC, colos sos 2 bloques y 5 frentes, que tienen fuerte presencia nel departamentu. Les aiciones / actividaes realizaes pol Estáu siguen siendo infructuoses, débiles ya incapaces de controlar y/o conxurar esti tipu d'actuar escontra los NNAM".³⁶

La denuncia de GERADO JUMÍ, Secretariu Xeneral de la ONIC señala que "polo menos trenta neños indíxenes del Chocó suicidárose pa evitar que los allistaren grupos armaos. El suicidiu convirtióse nun métodu de protección pa neños, neñes y adolescentes indíxenes que nun quieren tomar parte de les files de los grupos armaos illegales... Facemos un llamáu a la guerrilla del ELN y a les disidencies de les FARC y a cualquier otru grupu armáu, como les Autodefenses Gaitanistes de Colombia (AGC), pa qu'apliquen el drechu internacional humanitariu, que significa nun involucrar a la población n'actos de confrontación militar y n'actividaes bélicas que lleven a cabo estos grupos armaos. Los suicidios de los neños indíxenes nun asoceden namás nel Chocó sinón tamién n'Antioquia, Nariño y Cauca".³⁷

Ye mui grave l'incrementu de casos d'esplotación, trabayu infantil, tráfico, trata, esplotación y esclavitud sexuales con impautos irreversibles sobre la personalidá, les families y les comunidaes.

La delegación asturiana recibió denuncias d'estos casos nes zones del Catatumbo y na Bota Caucana, sobre too nos llaboratorios del narcotráficu y nes zones de minería, afectando a menores provenientes de Venezuela y a neños/ os de Colombia pertenecientes a comunidaes marxinaes urbanes, llabriegues, pueblos indíxenes y comunidaes negres.

Hai un incrementu alarmante del número de madres menores de 14 años en tol país, asociáu a violencia, abusos sexuales y carencias nos ámbitos familiar y educativu.

³⁶ Fundación Social Departamental Córdoba Controversial, "CORDOBERXIA. Comunicáu de denuncia del 12 de febreru del 2022.

³⁷ <https://www.infobae.com/america/colombia/2022/03/19/por-lo-menos-30-ninos-indigenas-en-choco-se-han-suicidado-para-evitar-ser-reclutados-por-grupos-armados/>

6. IMPUNIDÁ

La impunidá estructural sigue y agrávase coles denuncies de les organizaciones de drechos humanos que señalen que'l Fiscal Xeneral FRANCISCO BARBOSA ye una pieza del presidente de la República, polo qu'esí sector de la xusticia tendría perdida al so independencia, afectando al Estáu de Drechu y ampliando la impunidá, lo que vendría a esplicar el sesgu de la investigación escontra l'ex-presidente Uribe Vélez por fraude procesal-compra de testigos, nel que la fiscalía pidió l'archivu de la causa, lo que niegó n'abril del 2022 una xueza.

La prensa tamién reseñó'l fechu: "Un abogáu cercanu a Duque ye elexíu fiscal de Colombia. Francisco Barbosa, compañeru d'universidá del mandatariu, foi conseyero presidencial pa los drechos humanos y asuntos internacionales".³⁸

Un güelpe a los drechos de les víctimes ye la decisión tomada pol fiscal de la Corte Penal Internacional de zarrar la investigación preliminar escontra Colombia por delitos graves que taba abierta dende'l 2004 por crímenes escontra la humanidá. Esta decisión básase nel supuestu de qu'en Colombia la xusticia ta funcionando, lo que desconoz la impunidá reinante pola falta d'investigación que determine les responsabilidaes por miles de crímenes que son competencia de la CPI.

Otru güelpe de la impunidá escontra los drechos del país a conocer la verdá y de les víctimes d'acceder a la xusticia ye la estradicción, el 4 de mayu del 2022 a Estaos Xuníos, del xefe paramilitar DAIRO ÚSUGA DAVID, de nomatu Otoniel, que taba collaborando cola XEP entregando los nomes de personaxes políticos, empresarios y altos mandos de la fuerzia pública comprometíos colos carteles del narcotráficu, col paramilitarismu y con crímenes escontra la humanidá. Les víctimes quedaron cola certeza de que lu mandaron a la xusticia d'EE. XX. pa que nun conte la verdá y pa evitar que

³⁸ https://elpais.com/internacional/2020/01/30/actualidad/1580403347_195296.html



Audiencia en Piamonte (Cauca).

siguiera dando los nomes de l'alianza ente axentes del Estáu y organizaciones narco-terroristes en Colombia.

Nun coinciden, nel tema de la impunitadá, les valoraciones de la oficina de la ONX y la de les organizaciones sociales colombianes entrevistaes, pa les que nun hai voluntá na xusticia pa pescudar y sancionar los atentaos a los drechos humanos, en particular les amenaces de muerte y los asesinatos escontra personas de la dirixencia social, a la vista de que namás hebo una sentencia por **más de 140 asesinatos**.

Pa la ONX hai avances: “LACNXDH valora los esfuercios realizaos pol sistema de xusticia nes investigaciones d'homicidios de personas defensores, y toma nota que, de 145 casos comunicaos pola Defensoría del Puelu nel 2021, hai 49 con avances na investigación, incluyendo una sentencia, 18 en xuiciu, 18 con orde de captura y 11 n'investigación. Destaca l'apoyu de la Unidá Especial d'Investigación de la Fiscalía a los fiscales rexionales pa fortalecer la so capacidá na toma d'aiciones urxentes pa la investigación de casos emblemáticos, como la muerte de Lucas Villa en mayu (Pereira) y d'Esteban Mosquera n'agostu

(Popayán), qu'exercién un liberalgu estudiantil y promovién l'involucramientu de la mocedá nel exerciciu de la manifestación pacífica. Destácase l'esfuerciu d'investigar les amenaces y agresiones a traviés de l'adopción n'abril de la Resolución 0775 de la fiscalía pa la consolidación d'un grupu de trabayu que priorice la respuesta inmediata énte amenaces escontra persones defensores. Con too y con eso, persisten retos importantes p'avanzar nes investigaciones, particularmente nel ámbitu rural, derivaos del mieu de les personas a denunciar, la dificultá d'accusu por parte del Institutu de Medicina Llegal y del Cuerpu Téunicu d'Investigación, les condiciones d'inseguridá y la insuficiencia de personal de la fiscalía. LACNXDH reitera la necesidá d'identificar a los autores intelectuales y avanzar na adopción d'una política pública d'esmantelamiento d'organizaciones criminales, con participación de la sociedá civil”.³⁹

39 Situación de los drechos humanos en Colombia. Informe de l'Alta Comisionada de les Naciones Xuníes pa los Drechos Humanos, febreru del 2022.

La fiscalía ye apática na investigación de los ataques escontra la dirixencia social, a la que taría más interesada en perseguir. “Igualmente siguen rexistrándose les detenciones motivaes políticamente, los amagüestos y falsos positivos xudiciales escontra personas qu’exercen lidersalgu social y escontra quien participen de xornaes de protesta en defensa de la vida, el territoriu, la democracia y la paz, frente a lo cual esiximos respetu al debíu procesu y llibertá inmediata de les personas que les xudicializaron por exercer el so drechu a la protesta pacífica”.⁴⁰

7. PUELOS INDÍXENES

La esclusión, l’ausencia d’inversión social del Estáu ye responsable del atentáu a drechos fundamentales de los pueblos indíxenes y ye un factor decisivu que los pon al borde de la estinción física y cultural, xunto cola ocupación violenta y l’arrasamiento de los sos territorios por multinacionales mineres y del narcotráficu.

El gobiernu colombianu sigue incumpliendo la Constitución Política y los mandatos de la Corte Constitucional y de la Corte Interamericana de Drechos Humanos, que lu obliguen a protexer de manera efectiva de la estinción a los pueblos indíxenes.

Hai pueblos indíxenes, como'l kogui del Chocó, que denuncien nun tener accesu a un despachu públicu nel que poder rexistrar el nacimientu de los fíos. Munchos indíxenes n’otros territorios de Colombia nun esisten pal Estáu, porque nun tienen un documentu d’identidá.

La falta d’accesu a la salú, la educación, l’agua potable y l’alimentación ye común nos pueblos embera y barí, y n’otros, como los awá, bora, embera katío, eyábida, doviña, esperara-siapidara, hitnü, jiw, kogui, koreguaje, miraña, murui-muina/uitoto, wayúu y wounaan, según l’ACNUR.

40 Comunicáu “Crítica situación de drechos humanos”. Cume Agrariu, Llabriegu, Étnicu y Popular, CACEP, 31 de marzu del 2022.



Nos departamentos del Chocó y de Córdoba la infancia de los pueblos embera y zenú ta afectao pola desnutrición y presenta altes tases de mortalidá por enfermedaes respiratories y dixestives.

Centenares de neños indíxenes tán siendo allistaos de manera forciada polos grupos armaos narcoparamilitares ya insurrectos, ensin que les autoridaes lo impidan. Queda en manes de les organizaciones indíxenes y de les families rescatalos, esponiéndose a represalias graves.

El puelu indíxena barí denuncia tar arrequexáu pola perda violenta de los sos territorios ancestrales, procesu de desaprosiu que lleva sieglos y que s’agravó cola llegada d’empreses petroleres y colos carteles del narcotráficu qu’afaren la selva pa semar cultivos de coca. Nun tienen un puestu de salú nin una escuela en condiciones. Hai paludismu, tuberculosis, neumonía y otres enfermedaes qu’afecten de manera especial a la infancia y a les personnes mayores.

L’incumplimientu del Alcuerdu de Paz afecta a los barí, que denuncien l’incrementu del área semada de cul-

tivos d'usu illegal y l'ausencia de proyectos productivos de sustitución, agravao pola falta d'ampliación y saniamientu del resguardu indíxena barí. El so territoriu ta interveníu polos grupos armaos, como'l Frente 33 de les disidencies de les FARC, l'ELN, l'EPL, les BACRIM (bandes criminales), los paramilitares del narcotráficu n'alianza cola fuerza pública, exércitu y policía. Según les denuncies recibíes toos se mueven pol interés nel petroleu, la coca, el carbón, les tierres, la madera, y por controlar la zona de la frontera con Venezuela y los negocios ilegales de trata de personas con fines d'esplotación sexual y llaboral.

El puelu barí padez les consecuencias del conflictu armáu dientro del so territoriu. Los barí de Venezuela tán siendo allistaos por guerrilles y paramilitares colombianos rompiendo la so neutralidá na guerra. Hai acosos, bombardeos y combates. Hai muchos campos minaos, lo qu'afecta sobre too a les mujeres, que s'encarguen de recoger los alimentos na selva y nes güertes. Nun puen salir a pañar pol mieu a les mines, impíden-yos buscar alimentu, nun puen salir a pescar nin visitar los sitios sagraos; hai comunidaes confinaes o sometíes a bloqueos alimentarios dientro del so territoriu.

“Los barí somos un puelu binacional. En Venezuela hai 49 comunidaes barí, son más allá qu'équí. Los barí de Venezuela lleguen esllarigaos, pero'l gobiernu colombianu nun los reconoz como indíxenes, sinón como inmigrantes, y nun tán censao, nun tienen accesu a salú, nin a la educación. Otres personas d'otros pueblos lleguen a raspar coca, como los wayúu y los yukpas, que nun tienen documentu d'identidá y cuerren el riesgu de que los declararen apátrides”.⁴¹

Les empreses mineres del carbón nun cumplen cola consulta previa a los indíxenes. Cuando'l gobiernu consulta failo coles xentes d'aición comunal del campesináu, pero non colos pueblos indíxenes, xenerando divisiones y enfrentamientos que son útiles pa los propósitos de les empreses extractives.

41 Audiencia col puelu indíxena barí, 6 de marzu del 2022.

8. DRECHOS ECONÓMICOS, SOCIALES, CULTURALES, Y AMBIENTALES

La probitú y la probitú estrema en Colombia agrávanse cola falta de polítiques públiques redistributives, cola escalada del gastu militar y de la delda esterna, col nuevu ciclu de violencia, cola pandemia y col incrementu del trabayu informal, qu'affecta al 49% de la población ocupao.

L'incrementu de la desigualdá, el desemplegu, la probitú, la inflación, la falta d'accusu a servicios esenciales poles privatizaciones y la carestía nos bienes básicos tán sumiendo a millones de personas nuna situación desesperada, que yá dio un avisu nel españíu social del 2021.

Colombia apaez nes previsiones de la FAO como un país con riesgu de fame nel medianu plazu. De fechu, yá se rexistren casos de muerte infantil por desnutrición en comunidaes indíxenes del Chocó y de La Guajira.

La probitú tien un altu componente racial y de xéneru.


CONCLUSIONES

En Colombia agudizáronse'l conflictu social, el conflictu armáu internu y los ataques graves a los drechos humanos.

El gobiernu colombianu ta incumpliendo l'Alcuerdu de Paz que l'Estáu firmó coles FARC fai cinco años y ta xenerando un ciclu nuevo de violencia escontra la dirixencia social y escontra les comunidaes rurales.

La movilización social nun alcuentra calces de diálogu nin soluciones, al optar el gobiernu pela vía de la represión policial y xudicial con resultáu de graves ataques a los drechos humanos.

Los cultivos de coca tán espardiéndose col paramilitarismu. El gobiernu incumplió los planes de desañiciu vo-



Ciudad de Florencia (Caquetá).

luntari y colos proyectos productivos de medianu y llargu plazu.

Col narcotráficu crez la corrupción, la violencia, la impunidá y la perda de credibilidá de la población nes instituciones.

Volvieron a Colombia les ejecuciones estrajudiciales, l'esllarigamientu forciáu, l'allistamientu de menores, les masacres y agudizóse la persecución a muerte escontra la dirixencia social y escontra les personas firmantes del Alcuerdu de Paz.

Crez la deforestación d'árees de selva pa semar coca.

Nun hai garantíes pa la oposición política.

Nun hai control sobre los recursos de la cooperación internacional destinaos al desarrollu del Alcuerdu de Paz.

El ciclu nuevu de violencia ye funcional pa los planes de les multinacionales mineres y del narcotráficu, al some-

ter a les poblaciones y aumentar el control armáu sobre los territorios.

Munches organizaciones sociales tán puestes al borde del esterminiu pola persecución escontra les sos bases, activistes y dirixentes.

En toles rexones visitaes, ensin escepción, recibimos denuncies de convivencia de la fuerzia pública colos grupos dedicaos al narcotráficu, y un agravamientu de les violencies escontra les mujeres.

Deterioru del Estáu de Drechu pola perda d'independencia de los poderes públicos en favor del executivu.

Graves intromisiones n'asuntos internos de Colombia por axentes militares de los Estaos Xuníos con influyencia sobre too nes árees de frontera con Venezuela.

Los pueblos indíxenes tán siendo llevaos al borde de la estinción.



Rueda de prensa final na sede de les ONIC. Bogotá, 15 de marzu del 2022.

RECOMENDACIONES

Al gobiernu de Colombia:

Acelerar el cumplimientu del Alcuerdu de Paz coles FARC y facilitar un alcuerdu humanitariu col ELN.

Avanzar na titulación de les tierres a les families llabradorres establecíes n'árees de colonización; cumplir los compromisos firmaos colos pueblos indíxenes y les comunidaes negres en rellación cola ampliación y saniamientu de los territorios ancestrales y colectivos.

Esmantelar el paramilitarismu y les sos redes d'apoyu.

Dotar de poder vinculante a les Alertes Tempranes de la Defensoría del Puelu.

Fortalecer la capacidá del Estáu d'intervenir en favor de les mujeres y de les neñes sometíes a violencies.

Escontarmar l'ESMAD, reformar l'exércitu y la policía que, amás, tien de salir del Ministeriu de Defensa pa depender del Ministeriu del Interior.

Apoyar el Sistema Integral de Verdá, Xusticia, Reparación y Non Repetición.

A la Xunión Europea:

Auditar los recursos de cooperación qu'aporta pal desarrollo del Alcuerdu de Paz.

Aplicar les cláusules de drechos humanos conteníes nos alcuerdos de comerciu firmaos con Colombia.

Al gobiernu d'España y d'Asturies

Incidir de manera efectiva na busca de diálogu y solución negociada al conflictu armáu internu.

Priorizar la cooperación coles organizaciones sociales pa evitar que s'estingan por mieu.

Fortalecer el Programa Asturianu d'Atención a Víctimes de la Violencia en Colombia.

INSTITUCIONES ENTREVISTADAS

Entrevista cola embaxada d'España

Entrevista cola Misión de Verificación de la ONX en Colombia

Acompañamiento y entrevista de la Misión d'Apoyu a la Paz, MAP/OEA

Secretariu Departamental de Víctimes del Norte de Santander

Comandu de Policía de Córdoba

Defensor del Puelu nel departamentu de Córdoba

Secretaría d'Interior y de Participación Ciudadana del departamentu de Córdoba

Oficina de paz de la Universidá de l'Amazonía

ONX-DDHH Cúcuta

Secretariu gobiernu conceyu Tierralta

ASOAIBA, Asociación d'Indíxenes Ancestrales del Baxu Atrato

ASOCECA Riosucio

Asociación Llabriega de la finca La Europa

Asociación d'Esllarigaos del Catatumbo

Asociación de Muyeres Trunfadores del Catatumbo

Asociación de Muyeres Víctimes de Tibú y La Gabarra

Asociación de Productores de Piña de Piamonte

Asociación de Trabayadores Llabriegos de Curillo

Asociación de Víctimes de la Unión Patriótica del Catatumbo

Asociación Indíxena del altu ríu Caquetá

Asocomunal Montelíbano

ASOCOMUNAL Piamonte

ASOJER, Asociación Moza y Estudiantil Rexonal

ASOJUNTAS Saravena, Asociación Municipal de Xentes d'Aición Comunal

ASONALCA, Asociación Nacional Llabriega José Antonio Galán Zorro

ASONAM, Asociación Nacional de Muyeres

ASOVICHENGUE

Autoridaes zenú San Andrés de Sotavento

Cabildru Cerro Grande de Puerto Guzmán

Cabildru indíxena Sindagua, Piamonte

CAJAR, Colectivu d'Abogaos José Alvear Restrepo

Casa de la Memoria El Ponche, Montes de María

Colectiva Pata Pelá

Colectivu de Defensa del Agua y de la Vida del área andino-amazónica

Colectivu de Defensores del Agua y del Territoriu, Putumayo

Colectivu Inconformidá Xuvenil

Comunidá de Paz de San José Apartadó

Comunidá embera dovida de Peña Blanca

Comunidá Galapa zenú MamaPacha

Comunidá Jagual d'emberes dovida.

Comunidá Pichindé, embera dovida

ORGANIZACIONES ENTREVISTADAS

ACAMURI, Asociación Llabriega del conceyu de Riosucio

ACEU, Asociación Colombiana d'Estudiantes Universitarios

ACOMPАЗ

Alianza pola Xuventú de Sucre

AMAR, Amanecer de Muyeres d'Arauca

Amigos de la Comunidá de Paz de San José de Apartadó

ANDAS, Asociación Nacional d'Ayuda Solidaria

ANUC Ovejas, Asociación Nacional d'Usuarios Lladradores

ANZORC, Asociación de Zones de Reserva Llabriega

ASEDAR, Asociación d'Educadores d'Arauca

ASINTRACAMPIC, Asociación Municipal Llabriega de Trabayadores de Piamonte, Cauca

ASOAGRA, Asociación d'Agricultores de Granada, Meta



Autoridá indíxena na audiencia con organizaciones sociales de la Bota Caucana. Piamonte.

Comunidá Quiparadó, embera dovida

Comunidaes del puelu indíxena barí. Brubukanina, Chubakbarina, Asabarikaira, Yosa, Okbabuda,

Conseyería Departamental de Mocedá del Putumayo, representante

Conseyu Comunitariu Rincón del Mar Sucre

Conseyu de Paz d'Arauca

Conseyu departamental de Paz, Sucre

Conseyu Municipal de Mocedá de Piamonte, representante

Coordinación de la Mesa de Víctimes d'Arauca

Coordinación Guardia Llabriega de Puerto Guzmán, Putumayo

CORDOBERXIA, Fundación Social Córdoba Controversial

CORDOSAC, Coordinadora Departamental d'Organizaciones Sociales, Ambientales y Llabriegues del Caquetá

Corporación Desarrollu y Paz Montes de María y Canal Dique

CPDH, Comité Permanente pola Defensa de los Derechos Humanos, secciones Arauca, Córdoba, Sucre y Norte de Santander

CUT Arauca, Central Unitaria de Trabayadores

DANTA, Defensa del Agua, la Naturaleza, y el Territoriu d'Arauca

Drechos Humanos del puelu nasa

ECAAAS, Empresa Comunitaria d'Acueductu, Cantarelláu y Aséu de Saravena

Federación de Xuntes d'Aición Comunal

FENSUAGRO, Federación Sindical Unitaria Agropecuaria

Finca La Europa, Montes de María, Ovejas, Sucre

Fondu Memoria, Tierralta

FORDH, Fundación Observatoriu de los Derechos Humanos d'Arauca

FUNAVI, Fundación Nacional de Víctimes

Fundación Comité de Solidaridá colos Presos Políticos

Fundación Cordoberxia

Fundación de Derechos Humanos Joel Sierra

Fundación Pro Muyer Araucana

Guardia indíxena barí, Isthana Vadao Biyyiyavay

Guardianes de la Naturaleza del puelu indíxena embera dóbida, Uramia

Instancia d'Altu Nivel de Desarrollo del Alcuerdu de Paz en Territorios Indíxenes

Intigrillos

Xunta d'Aición Comunal asentamiento El Paraíso, Tibú UXSTAPAZ

Mocedá independiente MJI Sincelejo

Mocedá Indíxena de Colombia JUVIC

Las Teresitas, Truandó mediú

Madres del Catatumbo



Audiencia con víctimas en Montería.

Marcha Patriótica baxa Bota Caucana y Putumayo
Mesa de Diálogu del Caguán y Sur del Meta
Mesa de Participación de Víctimes de Tibú
Mesa Departamental de Drechos Humanos, Defensa del Agua y del Territoriu
Mesa Víctimes Tierralta
MOVICE San Onofre
MOVICE, Movimientu de Víctimes de Crímenes d'Estáu
Movimientu Social y Políticu de Mases del Nororiente
Nodu Rede mujeres chocoanes
Observatoriu DDHH Sur de Córdoba
ONIC, Organización Nacional Indíxena de Colombia
OPIAC Drechos Humanos, Organización Nacional de los Pueblos Indíxenes de l'Amazonía Colombiana.
Puelu indíxena nasa

Rede de Defensores de Drechos Humanos, Diálogu de Convivencia pola Paz, DIACOMPAZ
Rede de Drechos Humanos del Putumayo y Sucumbíos
Rede de Muyeres de Córdoba
Rede PROPAZ
Semando Paz, Sucre
SINDEAGRO, Sindicatu de pequeños y medianos productores agropecuarios del departamentu d'Arauca
SINDEP, Sindicatu de la Defensoría del Puelu
Sindicatu de Trabayadores d'Obres Civiles y de la Construcción
URAMIA (guardianes del territoriu embera dovida)
Collación Porvenir
Collaciones Consolata, Samaritana, Piamonte
Collaciones Piamonte, Yacurá, Los Almendros, El Morro, Nueva Esperanza

CON EL APOYO DE:



CONSEYU DE LA MOCEDÁ
DEL PRINCIPAU D'ASTURIES



Soldepaz Pachakuti